


2/
LA COPIE D'VNE
LETTRE ENVOYEE D'AN-
GLETERRE A DOM BERNARDIN
de Mendoza Ambassadeur en France
pour le Roy d'Espagne.

PAR LAQUELLE EST DECLARE
l'estat du Roiaume d'Angleterre, contre l'attente
de Dom Bernardin & de tous ses par-
tizans Espagnols & autres.

Encores que cette lettre fust enuoyée à Dom Bernardin de Mendoza, toutesfois de bon heur, la Copie d'icelle tant en Anglois qu'en François, a esté trouuée en la chambre de RICHARD LEYGH *Seminaire*, lequel n'agueres fut executé pour crime de leze Maieité & trahison commise au temps que l'Armée d'Espagne estoit en mer.

Depuis ont esté adioustez certains Aduertissemens receus de n'agueres, concernant les pertes & destresses de l'Armée Espagnole, tant au combat qu'elle eut avec l'Armée Angloise au destruit de la mer Britannique, comme aussi par tempestes & vents contraires es costes d'Irlande vers le Nord & l'Ouest, en retournant des Isles Septentrionales par delà l'Ecosse.



Nouvellement Imprimé,
1 5 8 8.

IN CLASSEM HISPANICAM
miserè dispersam,
Epigramma.

*Præda licet mundus non sit satis ampla Philippo,
Ampla satis mundo præda Philippus erit.*

T. M. Scotus.



LA COPIE D'VNE

LETTRE ENVOYEE D'AN-

GLETERRE A DOM BERNAR-

din de Mendoza Ambassadeur

en France pour le Roy

d'Espagne.



ONSIEIGNEUR, lors que der-
nieremēt ie vous faisois vn ample
discours de l'estat de ce pais, & de
l'attente continuelle en laquelle
nous estions du secours tant desiré
& promis, ie n'eusse iamais estimé auoir vne si
lamentable occasion d'un second escrit, comme
elles'offre maintenant par le triste changement
des affaires d'estat pardecā: Si ne me puis- ie re-
tenir (bien que ce soit avec autant de souspirs
que nous auōs eu de desirs) que ie ne vous tiēne
aduerti de nostre condition, autāt veritable que
miserable, selon que moy & mes semblables en
pouuons iuger. Car comme ainsi soit que vostre
Seigneurie a eu iusques icy des long temps la
principale entremise, tant pardecā, qu'en France,
de toutes nos affaires entre le Roy Catholique,
assisté de tous les Potentats de la sainte Ligue,
& tous ceux de ce pais lesquels font profession
d'obeissance à l'Eglise Romaine: l'espere que
par la cōparaison que vous ferez de ceste grande
esperance passée, avec le desespoir present de

COPIE D'VNE LETTRE

L'estat d'Angleterre selon
l'opinion des
Catholiques.

toutes choses, il se presentera quelque nouveau & meilleur discours à vostre esprit, par lequel l'estat & de nous & de nos amis absens à present deploré, puisse estre releué en nouvelle esperance & plus certaine assurance d'un bon succez, qu'il n'est aduenu iusques icy. Pour cest effect, i'ay iugé estre necessaire de vous bien informer quelle est à present la disposition de ce pais, tout aultre que n'agueres nous n'en faisons nostre compte & dedans & dehors le Roiaume.

Vous scauez combien long temps nous auons esté retenus en ferme esperance de changement d'estat en ce pais, par les obtestations & instantes sollicitations de la saincteté du Pape, du Roy Catholique, & aultres Potentats de la *Saincte Ligue*, entreprenans l'inuasion & conqueste de ce Royaume: tellement que sur vostre assurance & fermes promesses, nous estions de long temps persuadez, que le Roy Catholique s'estoit entierement chargé d'une entreprise si haulte & glorieuse. Par ce moyen nous en auons attendu d'an en an l'execution, estans par vous nourris & soustenus en continuelle esperance, & souuentefois sollicitez par vos instantes requestes & persuasions, d'accourager par deçà nos partizans, à ce qu'ils ne fussent point esbranlez (comme plusieurs estoient) par tant & tant de delais: mais se tinssent appareillez pour se joindre aux forces estrangeres, lesquelles viendroient pour ceste inuasion. Ce neantmoins il y

a eu tant de remises & prolōgations de la venue de ces forces Roiales, spécialement par la mer, que iusques à ce printemps nous en estions en desespoir. Lors vous nous donnastes aduis en toute assurance, que tous ces grans preparatifz du Roy faietz en trois ou quatre ans, estoient entièrement prestz, & sans aucune doubte entre-roient ce prochain esté en nostre mer, avec des forces si puissantes, que nulle armée d'Angleterre, voire de toute la Chrestienté, ne leur pourroit résister, non pas mesme les attendre & leur oser faire teste. Et encors, pour plus grande seurcté, & pour mettre hors de doubte ceste es-queste pretendue, à ce grand appareil se deuoir joindre la puissante armée mise sus & tenue prestte es Pais bas tout l'an passé par le Duc de Parme: avec laquelle il deuoir abborder, & ce Royaume estre soudain conquis, estant assailli tout ensemble tant par mer, que par terre. A ce la estoient adioustées plusieurs raisons, desquel-les on tiroit ceste conclusion, qu'il ne se trouue- roit ieuy grande resistance ny par mer ny par terre: mais que le parti le plus fort, se joindroit avec les forces estrangeres. Et de fait, sans telles aides au dedans, ie scay qu'on a tousiours doubté que toutes les forces estrangeres fissent ba- stances contre ce Royaume, lequel est fossié de la mer il entour, & peuplé d'une nation la plus forte & puissante qui soit en la Chrestienté. Or auons-nous continué toute ceste année en l'espe-

Les preparatifz de l'Espagne ont duré trois ans.

L'Armée du Duc de Parme en Flandres.

L'Angleterre ne peut estre enuahie sans un fort parti au dedans.

COPIE D'VNE LETTRE

Esperce de victoire par l'Armée d'Espagne avec l'aide d'vne parti en Angleterre est esté.

Toute l'esperance d'Espagne faillie en neuf iours.

Il y a de l'esperance en la victoire.

Les Catholiques ont doubté de leur cause veu la main de Dieu contre l'Armée.

rance de l'abbord de ces armées, pour y prendre parti & y ioindre nostre assistance : en attente assésurée d'vne pleine victoire, iusques à ce mois dernier. Mais hélas ! ô mortelle destresse, nous sommes tous forcez de lamenter tant en ce pais, que dehors, nostre soudain precipice d'vne haultesse de ioye sans mesure, en vn abisme de desespoir sans fons & sans riue, voire vne cheute & ruine si subite, que ie la puis dire auoir esté veuë de nos propres yeux, en l'espace d'huiet ou neuf iours en ce dernier mois de Iuillet. Ce qui fut, depuis que la grande Armée Catholique commença de surgir es costes d'Angleterre, iusques à ce qu'elle fut contraincte de fuir de la coste de Flandres prochaine de Calais, vers ie ne scay quelles parties du Nord les plus froides & glacées. Alors toutes nos esperances & tous nos bastimens, selon qu'il en appert à present, d'vne Conqueste imaginaire, ont esté entièrement renuersées, comme si d'estoit par vn tremblement de terre, les chasteaux de nostre confiance ont esté mis par terre, lesquels semblent bien à present auoir esté batus en l'air, ou sur les flots & vagues de la mer. Bié est-il certain qu'ilz sont peris & emportez au gré du vent, voire mesme hors de nos pensées. Et sur cela, ie suis tant estonné que ie ne scay que penser, d'vn ouurage de si long temps prouicé & si soudain renuersé, veu que par quelque discours que ce soit, cela ne peut proceder des hommes ou de quelque puissance

sance mondaine, mais seulement de Dieu. Que si cela est vray (comme nul ne peut attribuer ailleurs qu'à la puissance de Dieu ce grand changement & renuersemēt de nostre infortunée esperance) certainement il est dangereux & douteux de iuger du droict de la cause, laquelle par tāt d'années nous auons demenée. Et pour certain ie trouue de ma cognoissance plusieurs bōs & sages personniages, ayans secrettement continué des long temps en vne deuote affection à l'authorité du Pape, lesquelz commencent de bransler & discourir en leur esprit, que ceste voye de reformation pretendue par la saincteté, ne peult estre agreable & approuée de Dieu. Car d'auoir quitté l'ancienne proceduere de l'Eglise par l'excommunicatiō, en laquelle gist l'exercice du glauiue spirituel, pour vsurper le glauiue tēporel & le mettre en la main d'vn Monarque, afin d'enuahir ce Royaume par force d'armes, voire, pour destruire & la personne de la Roine & tout le peuple qui luy obeit (lequel pour vray ceste année a verifié estre comme infini & inuincible) Cela faict qu'aucuns commencent de dire que ce dessein par violence, par massacres & conquestes, n'est nullement conuenable à la doctrine, soit de Christ, soit de Saint Pierre & de Saint Paul ses Apostres. Et de faict, ie puis dire à vostre Seigneurie, que ie trouue à present vn grād nombre de peuple sage, autrement continuāt en son ancienne Religiō, lequel cōdamne

La reformation
par force du
Pape, prinse en
mauuaise part
de quelques
Catholiques
Anglois.

La publication
précipitée de
la conquête
pretendue d'An-
gleterre deuât
que l'armée
Espagnole fust
preste, a appor-
té grand dom-
mage.

Le cœur du
peuple enflam-
mé en Angle-
terre en tous
estats, contre les
vanteries de la
conquête par
les Espagnols.

secretement ceste pretendue reformation avec le
feu & le sang, Iusques là que j'ay oui vn bon
Theologien alleguer le texte de Sainct Gre-
goire en ces mots. *Quid de Episcopis qui verbe-
ribus timere volunt, Canones dicunt, bonè pater-
nitatis vestra vocit: Pastores sumus, non percussore-
res: Nova enim est predicatio qua verberibus
exigit fidem.* I'ay obtenu de luy ceste sentence,
pource qu'elle me sembloit fort charitablement
escrite. Mais laissant ceste autorité, ie puis di-
re pour certain, qu'il n'y a rien qui ait apporté
tant de dommage à ceste entreprinse, que ceste
publication hastiue & mal à propos, faite en ce
Roiaume (deuât que l'armée d'Espagne fust pre-
ste à y faire voile) de plusieurs poinctz escrits,
Imprimez, & semez par tout le pais, pour faire
entendre au peuple, que tout ce Roiaume seroit
occupé & conquis, que la Roine seroit extermi-
née, & que toute la Noblesse, ensemble ce qu'il y
a de gens de reputation, d'honneur & de biens
qui luy obeissent & la voudroient defendre en
resistant à ceste inuasion, seroient arrachez de
fonds en comble avec leurs familles: & leurs
estats, honneurs, maisons & terres distribuées
aux conquerurs. Ce sont choses lesquelles vni-
uersellemēt ont esté prinſes en si mauuaise part,
que les cœurs du peuple de toutes qualitez ont
esté esmeus, les vns de cholere, les aultres de
crainte, & tous sans exception, resolu de hazar-
der leurs vies pour resister à toute sorte de con-
queste.

queste: de laquelle chacun peult dire que ce Ro-
 aume n'a point esté menacé ces 500. ans passez,
 & d'avantage. Or furent ces desseings appor-
 tez en ce Roiaume avec bonne creance, non-
 point en secret, mais par escrits publiques &
 Imprimez, tellement qu'ils prindrent viue ra-
 cine au cœur du peuple de toutes sortes. Et de-
 faict, c'estoient choses fort croiables. Premiere-
 ment, à cause d'une nouvelle *Bulle* laquelle l'ay
 veüe publier de n'agueres à Rome par sa Saint-
 eté, avec beaucoup plus de s'uerité, qu'aucun
 aultre de ses predecesseurs n'auoient faict, par
 laquelle la Roine estoit maudiste & priuée de
 la Couronne, & l'entreprinse & conqueste
 de ce Roiaume commise, en l'autorité du
 Pape, au Roy Catholique. Ce qu'il execute-
 roit avec ses armées tant par mer que par terre,
 pour en pozer la Couronne sur sa teste, ou l'as-
 signer à tel Potentat que le Pape & luy nomme-
 roient. Suiuit en second lieu, vne ample explica-
 tion de ceste *Bulle* par vn nombre de liures An-
 glois Imprimez en *Anuers*, & enuioiez par decà
 à l'instant qu'on estoit en attente de l'armée Es-
 pagnole. L'original en auoit esté escrit par Re-
 uerend pere le Cardinal *Allen*, ce mois d'*Auril*
 dernier, nommé par son propre escrit le Cardi-
 nal d'Angleterre. Or estoit ce liure dicté d'un
 stile si violent, picquant & amer, voire (disent
 les aduersaires) si arrogant, faux & diffamatoire
 cōtre la personne de la Roine & du Roy Henry

La publication
 hastiue de la
 Bulle du Pape,
 endommagea
 la cause.

Les liures du
 Cardinal Allen
 firent tort à la
 Cōqueste pre-
 tendue.

COPIE D'VNE LETTRE

L'escrit indiscret & violent du Cardinal mal prins en Angleterre.

huietiésme son pere, contre la Noblesse & son Conseil: que pour certain i'estois grandement nauré en mon cœur, voyant tant de bons personnages, mesmement de nostre Religion, estre ainsi effencez, qu'il se trouuast en vn qui est mis au rang des peres de l'Eglise, & qui est subiect naturel de ceste Couronne, (encores qu'au dire des aduersaires il soit né de fort bas lieu) des propos si deshonneurables, indignes, irreuerens & violens, des menaces tant furieuses & sanglantes contre la Roine & la Noblesse, voire tout le peuple de sa propre partie.

C'est à contre-cœur, & grandement à contre-cœur, qu'il me faille faire vn tel rapport du conseil totalement mauuais & des procedures desreglées & indiscrettes d'vn tel Cardinal. Le monde parloit desia assez estrangement de sa promotion en telle place, comme s'il y auoit esté aduancé par corruption de la sœur du Pape, oultre le gré du College des Cardinaulx. Mais quoy qu'il en soit, l'intention du Saint Pere & le desir aussi dudict Cardinal, sans ces fatales & sanglantes predictions & menaces d'vne future inuasion & conqueste, eussent peu auoir leur effect par les forces notables du Roy Catholique.

Or pour donner plus de credit à ces prognostications effroyables, fut aussi adioustée vne espee d'autres liures Imprimez en Espagne & translatez en François (côme on dict) de par vostre

stre

La multitude de liures publiez pour monstrer la grandeur de l'Armée d'Espagne à apporté aussi dominage.

stre Seigneurie, contenant de longues & particulieres descriptions & catalogues des Armades, de *Castille*, d'*Andelourie*, de *Biscaye*, de *Guipoufque*, de *Portugal*, de *Naples*, de *Sicile*, de *Raguse* & d'autres contrées du *Leuant*, avec vn amas infini de prouisions de toutes sortes pour ladicte armée, suffisant, comme on estime, pour la Conqueste de plusieurs Royaumes & Seigneuries. Or fut-ce vn grand argument public par les aduersaires, pour resueiller les esprits de la Noblesse d'Angleterre contre les Espagnols. Cefut vne inuention tres-pernicieuse pour monstrer l'intention de ceste Conqueste non seulement de l'Angleterre, mais aussi de toute l'Isle de Bretagne. Car chacun estoit aduertit de remarquer en la description de ceste Armade vn tel denombrement de *Princes*, *Marquis*, *Comtes*, *Seigneurs*, appelez *Aduenturiers* sans offide ny paie: Et de rechef vn autre nombre de personnes de qualite & honneur, & entre iceux plusieurs Capitaines & gens de commandement sans charge, mais neantmoins prenants solde, & pour ceste cause nommez *Entertenidos*, qu'on pouuoit presumer que tous ceux-cy n'estans point pour faire seruite en l'Armade, auoient entrepris ce voiage pour occuper la place de toute la noblesse d'Angleterre & d'Escoffe. Or ceste fiction trouua plus de creance qu'elle ne meritoit. Les forces, de vray, estoient estrangement grandes & puissantes, mais ces liures passioient

L'aduertissement de la grandeur des Armes, fit que la Roine prepara les forces de son Roiaume oultre la coutume.

tellement mesure en leurs amplifications, que toute la Chrestienté ne pourroit auoir fait, ou faire plus grâds preparatifz contre les Sarrazins ou les Turcs. Par ces moiens, la Roine avec son Roiaume estant ainsi aduertie & esmeue, print occasiō avec l'aide de son peuple, non seulement tres-affectionné vers sa *Maiesté* (comme elle en estoit bien persuadée) mais aussi extrêmement irrité, de mettre sus toutes leurs forces, pour se defendre contre ces conquestes prognostiquées. Lors on vit avec vne grande & incroiable vistesse tous les coings de ce Roiaume fourmiller de gens armez, tant à cheual, comme à pied, & iceux tellement cōduictz, exercez & façonnez à la guerre, que de nulle sage il ne s'est veu chose semblable en ce Roiaume. L'argent n'ya point esté espargné pour la prouisiō de cheuaux, d'armes, poudres & aultres choses necessaires. Il n'a point manqué de pionniers, chariages & viures en chaque Comté du Roiaume sans aucune exception, pour attendre la venue des armées. Et pour ceste fourniture generale, chacun offroit volontairement, les vngs en grand nombre, le seruice de leurs personnes sans aucun gage, les autres, de l'argent pour les armes & pour la solde des soldats, façon estrange & non jamais ouie, soit en ce Roiaume, soit ailleurs. Or ceste raison generale incitoit tout le monde à contribuer liberallement, à scauoir qu'il n'estoit pas temps de penser à l'espargne d'vne partie, lors qu'il falloit resister

resister à vne conqñeste laquelle menaçoit d'vne perte vniuerselle.

Or ne pourrois- ie pas affermer quel nombre s'est trouuë prest en ce Roiaume, comme le sçachant de moy- mesme: mais i'ay oui reciter, lors qu'il me faschoit le plus d'estimer qu'il fust veritable, que par toute l'Angleterre vers le Leuât, le Ponâr, le Midy & le Septentrion, il n'y auoit endroit où l'on ne courust d'vne mesme volonté & promptitude pour le seruice de la patrie, & que telle Prouince s'est trouuée suffisante pour mettre sus vne armée de vingt mille combatans, & en ce nombre, quinze mille de bien armez & equippez, & en quelques Prouinces, iusques au nombre de quarante mille bons hommes.

Les Comtez maritimes exposées au Midy depuis *Cornouaille* iusques en *Kent*: & depuis *Kent*, vers l'Orient par *Essex*, *Suffolk* & *Norfolk* iusques à *Lincolne* (le plan desquelles contrées & de tous leurs haures vous fut parfaitement bien representé, lors que *François Thyogmorton* en traicta premierement avec vostre Seigneurie) se sont trouuées si bien fournies de gens de guerre, tant de leur ressort, que de l'aide des Bailliages voisins, qu'il n'y auoit place où l'on doubtaist quelque abbort des forces estrange- res, qu'il ne s'y peust rendre sur la place dans l'espace de 48. heures enuiron vingt mille combatans tant de cheual que de pied, avec arullerie pour le camp, viures, pionniers & charia-

Les armées
preparées en
tous les quar-
tiers d'Angle-
terre.

Les descentes
en Angleterre
és Prouinces
maritimes, pour
neuës de 30000
hommes.

ges . Et tout cela gouverné par la principale noblesse du pais, & ragé soubz Capitaines de grande experience. Encores ay-ie ouy vne chose, autant prudemment ordonnée, comme bien ex-

Toutes les bandes estoient conduites par les principaux Cheualiers du Royaume, & composées de leurs vassaux & seruiteurs.

cutée en ce temps, laquelle n'estoit point cy devant en pratique: c'est que comme les chefs & membres des compagnies particulieres estoient hommes bien experimentez à la guerre, aussi pour asseurer & fortifier les bandes, on fit choix des principaux Cheualiers de toutes les Provinces pour amener leurs vassaux & subiectz au camp, estans hommes puissans, bien fondez & de grād reuenu. Par ce moyen toutes les forces ainsi composées se disposerent resoluement de tenir ferme avec leurs Seigneurs & Capitaines, & les chefs de se confier en leurs vassaulx & subiectz. Et sur cela, ie vous diray vne chose dont on se pourroit esmerueiller, mais laquelle m'a esté confirmée pour veritable: qu'un certain Gentil-homme en Kent a dressé vne compagnie de 150. homes de pied, lesquels ensemble estoient riches (sans y comprēdre leurs terres) de la somme de cinq cens mille escus. Et ie vous laisse à pēser si telles gens ne combatroient pas opiniastremēt pour la conseruation de leurs biens. Or est-il en ce temps vray semblable, que plusieurs autres compagnies ont esté composées de gens ainsi riches & puissans.

Un strange récit de la richesse d'une compagnie de gens de pied.

Ce m'est vn grand despla'ir d'auoir occasion de vous escrire d'un tel stile, mais c'est pour

VOUS

vous représenter au vif combien vous auez esté iusques icy trompé par les aduertissemens de plusieurs, lesquelz n'auoient cognoissance ny preuue suffisante de la verité. Et moy-mesme ie confesse auoir esté abuzé en quelques choses, & notamment en ce que ie m'estois imaginé, que toutesfois & quantes qu'il se verroit quelques forces estrangeres prestes de prendre terre en quelque part que ce fust de ce Roiaume: il ne se trouueroit qu'un bien petit nombre d'hommes resolu pour y resister & pour la defence de la Roine, & iceux encores mal-habiles, peu exercez, rudes & ignorans en toutes les actions & fatigues de la guerre, & sans estre suffisamment equipez & armez.

Je me fantaſtiquois aussi que nous auions vn grand nombre de Nobles & Gentilz-hommes de nostre Religio en ce Royaume, comme vous ſçauiez que nous en faisions estat lors qu'estiez en Angleterre, & combien que plusieurs depuis ce temps-là sont decedez, & qu'à present nous n'en auons pas tant de dixaines, qu'alors nous en comptions de centaines: neantmoins nous pensions qu'il s'en trouueroit d'un braue courage & resolution, lesquels pour la cause Romaine surprendroient à l'improuiste les maisons, familles & forces des heretiques & aduersaires. Mais maintenant, telle est nostre misere qu'il a plu à Dieu (selon que i'estime) pour nos pechez, ou pour confondre nostre orgueil & presumption

Erreur des Catholiques fugitifs au nombre de leurs partizans en Angleterre.

Consentement
& concurrence
des Papistes &
des Protestans
pour résister à
la conquête.

de nos forces, de mettre icy és cœurs de tous vne
mesme pensée & courage, pour s'opposer à ce-
ste inuasion pretendue, voire aussi bien en ceux
que nous tenons pour Catholiques, comme des
heretiques: Tellement qu'il a esté notoire qu'en
toute ceste ardeur de pouruoiance d'armes, de
contribution d'argent, & toutes actions de la
guerre, on n'a peu appercevoir aucune differéce
entre les Catholiques & ceux que nous nom-
mons heretiques. Mais sur tout au faict de la
résistance à la conquête, & mesme à la defenice
de la personne de la Roine, on a veu par tout vne
telle sympathie, concurrence & consentement
de toutes sortes de personnes sans respect de Re-
ligion, que chacun s'est monstré prest de com-
battre tous estrangers, comme s'ilz n'eussent
esté qu'un cœur & un homme. Et combien que
quelque peu des principaux Gentilz-hommes,
desquels vous auez eu iusques icy les noms és
rolles des Catholiques qui vous ont esté four-
nis, ayent esté enuoiez en l'isle d'Ely, & res-
trainctz de leur liberté premiere sur le bruit de
ces armées, & pendant l'attente de ceste pre-
tendue inuasion: Il appert toutesfois que ceste
restriction n'a point esté pour doubte qu'on
eust qu'ils voulussent ioindre leur puissance a-
uec nostre armée, mais seulement pour le faire
cognoistre à tous nos amis & compatriots,
tant en Espagne qu'en Flandres, voire sur tout à
vous-mesmes (car ainsi m'a-il esté rapporté) qui
estes

estes tenu principal auheur & instigateur de toute ceste entreprife : afin que toute esperance fust ostée à ces grandes armées, d'auoir aucune aide d'eux ou de leurs amis. Et de vray, ie voy bien maintenant qui que ce soit de nos amis, ou en Espagne, ou en Flandres, ou en quelque autre part que ce soit, qui ait fait quelque estat semblable d'aucune aide contre la Roine ou contre son parti par deçà, qu'ilz se fussent trouuez trompez si l'Armée eust faict effort d'y prendre tetre. Car i'ay entëdu moy-mesme, que les principaux de ceux qui estoient retenus à *Ely*, ont faict offre au Conseil soubz leurs lettres & sings manuels, d'exposer leur vies pour la defence de la Roine, laquelle ilz reclament sans aucune difficulté pour leur Roine souveraine : & ce, contre toutes forces estrangeres, bien qu'elles fussent entroyées du Pape, ou par son commandement. Et mesme plusieurs d'entre eux ont offert en ceste querelle de la conqueste du Roiaume par les estrangers, de se trouuer en personne aux premiers rangs avec leurs cōpatriots, contre toutes forces estrangeres. Et sur cela mesme i'ay entendu d'un amy secret que i'ay en Cour, qu'entre les Conseillers on enclinoit vne fois à ceste resolutiō, de les remettre en leur premiere liberté: mais le feu de la guerre estāt allumé par la venue de l'armée du Roy à la *Crongne*, & par l'apprest du Duc de *Parme* avec vne si grande armée & amas de Nauires en Flādres qu'on attendoit iournal-

Offre de ceux
qu'on appelle
Recusans. d'em-
ploier leurs
vies à resister à
la conqueste.

lement deuoir prédre terre en Angleterre, voire à *Londres*, attendu aussi le general murmure du peuple contre tels Catholiques gens de quelque reputation. Cela fut cause de l'arrest desdictz Gentilz-hommes à *Ely*, nonobstât l'offe de leur seruice à la Roine, & demeurèrent ainsi au Palais de l'Euesque avec liberté de se pourmener au voisinage à l'entour, & sans aultre emprisonnement, que de defence de se partir pour aller en la ville ou par pais. Or ie tien neantmoins pour certain, qu'ilz persistent constammēt en l'obeissance de l'Eglise Romaine, pour laquelle toutesfoi ilz n'encourent aucun danger de leurs vies, mais seulement d'une amende pour ne se vouloir trouuer aux Eglises : comme ainsi soit que par la Loy quelque partie de leur reuenu est cōfiskué à la Roine, & le reste laissé pour l'entretenement d'eux, de leurs femmes & enfans. Or pour m'estendre vn peu sur ce propos qui ne sera pas inutile : Par ceste procedeur, nos aduersaires pretendent que ces Gentilz-hommes & aultres leurs semblables sont fauorablement traictez, n'estans point poursuiuis à la mort à cause de leur Religion, comme il se pratiquoit du temps de la Roine Marie, & comme iournellement (selon leur dire) les Anglois qui arriuent en Espagne, seulement pour le traficq de la marchandise, sont trefrigoureusement & barbarement traictez. Or de ce poinct toutesfoi, & moy & d'aultres en communiquons priuement
avec

Les Catholiques hors de danger de leurs vies.

avec ceux de nos aduersaires, que nous ne pensons pas estre malicieusement bandez à persecuter à la mort pour le faict seul de la Religio: Car, pour en parlet en pure verité, & comme dict le prouerbe, pour ne mentir point, fust-ce du Diable, en ce poinct grãd nombre de nos aduersaires ne sont pas despourueus de charité. Nous leur obiectõs les executiõs qui se font par tourmens & morts cruelles, tãt icy à l'entour de *Londres*, qu'aultres endroiets de ce Roiaume, de plusieurs que nous canonizons cõme Martyrs, entant que par leur mort ilz rendent tesmoignage de leur obeissance au Pape & à l'Eglise Catholique de Rome. A cela nos aduersaires, qui montrent auoir quelque goutte de charité, nous respondent, que nulle execution (qu'ilz sachent) ne s'est faicte pour la Religion ou profession d'icelle, mais pource qu'on a trouué ceux qui ont esté executez, raudans secretement par tous les coings du Roiaume en habit desguisé (selon que les aduersaires en parlent par moquerie) comme ruffiens, avec des plumes & habillemẽs de couleur à la façon des courtizans, emploians toutes sortes d'artifices pour inciter ceux du peuple, auxquels ilz ozent s'adresser, non seulement à se reconcilier au Pape & à l'Eglise Romaine, mais aussi de renoncer avec vœus & sermens à l'obeissance de la Roine, & la desauoier pour leur Souueraine, se tenans deschargez du deuoir de fidelité, & d'estimer les Magistrats qui sõt soubz

Les Iesuites ne
sont executez
pour la Religio
mais pour tra-
hison.

Les Seminaires
desguisez com-
me Ruffiens.

elle, illegitimes & ausquels en conscience on ne doit obeir, & beaucoup d'autres pareilles choses, que ie tien neantmoins pour pures & vaines calomnies . Mais eux pretendent que toutes les entreprises de ces sainctz Prestres enuoyez avec commission pour le salut des Ames, sont pures trahisons & directes contre la Roine & l'estat de tout ce Roiaume : Car ceux qui defendent tels iugemens & executions, debatēt & maintiennent expressement, que tous tels Prestres, Iesuites, Seminaires & autres persuadans ainsi le peuple contre la personne de la Roine, les loix, le gouuernemēt & l'estat du Roiaume, & tous autres qui se laissent emporter à leurs persuasions: sont traistres manifestes, & disent que toutes les poursuites & procez par les loix qui se font à l'encontre d'eux, en sont foy . Et pour preuue de leurs argumens, les aduersaires montrent quelquesfois les vraies copies des procez & iugemens, esquels il n'est fait nulle mention qu'ilz soient chargez pour le fait de la Religion: mais bien qu'ils ont attenté de persuader les subiects de la Roine, de quitter le devoir de fidelité, & consequēment d'estre rebelles à leur Roine & Dame souveraine. Voila comment ces gens en tout temps à leur aduantage maintiennent leurs procedures, avec beaucoup de semblables argumens contre les Prestres & Iesuites, lesquels ont enduré la mort comme iuste & necessaire pour leur conscience . Or
pou-

pouuons-nous repliquer sans peril & moy & quelques autres (comme nous faisons avec propos modestes) en quelques petites compagnies, & leur obiectons la confession de la foy Catholique faicte par les patiens au lieu de leur supplice, & ce avec grande constance, que les aduersaires ne peuent pas denier: tellement qu'il apparoist qu'ils meurent pour la Religion: Mais à cela d'autre part on allegue & maintient-on contre nous, qu'ilz ne sont ny accusez, ny condamnnez, ny executez pour le faict de la Religion, ou potrice qu'ilz se sont offerts à mourir pour leur diste Religion, mais pour leur precedentes trahisons & conspirations contre la Roine & l'estat du Roiaume, ne plus ne moins que de magnures *Babington* & tous ses complices. Car ceux là furent condamnnez pour auoir attente de susciter la guerre en ce Roiaume & de meurtir la personne de la Roine, pour y establir la Roine d'Escoce. Toutes lesquelles choses *Babington* & tous ses complices confesserent volontairement. Or furent ilz condamnnez & executez seulement pour ces grandes trahisons: Et toutesfois plusieurs d'entre eux estans au lieu de leur supplice, en mesme sorte que ces Prestres & Religieuses, firent confession de leur foy Catholique, avec offre de mourir pour icelle. Si est ce (disent nos aduersaires) qu'on ne pourroit pas affermer que *Babington* & ses complices ayent esté mis à mort pour la Religio, mais pour leurs trahisons. Da-

Babington souffrit pour ses trahisons volontairement confessées, & non pour la Religion, encores qu'il fist profession d'estre de la Religio Romaine.

Multitude de
Gentilz-hom-
mes suspectez
d'estre Papiſtes
ſans encourir
danger de leurs
vies.

uantage pour donner d'autât plus de lustre à ce
qu'ilz maintiennent & à leurs argumens, (auf-
quels moy & nos bons fidelles & Catholiques
freres ſommes bien empeschez de respondre)
on allegue qu'il y a grand nombre de Gentilz-
hommes & Damoiselles, voire aucuns de repu-
ration honorable, & aultres de qualité medio-
cre, tant aupres de la Cour comme au loing, les-
quelz ſont manifestement cogneus estre de con-
traire Religion à celle qui est permise par les
loix du Roiaume: Et routesfois ilz n'ont esté
pourſuiuis par aucune formalité de loy avec le
danger de leurs vies, ny mis à la torture ny en-
prisonnez pour leurs opinions au ſaiet de la Re-
ligion, pour les amener en quelque danger.
Seulement quand il se presente contre eux des
complaintes des paroisses où ilz demeurent,
pour ne s'estre iamais trouuez aux Eglises par
l'espace de certains mois, ou d'une année toute
entiere: lors estans accusez, & puis appelez
pour respondre sur cela, s'ilz ne peuvent faire
paroïr de quelque excuse legitime: lors ſelon la
prouiſion des loix ilz ſont condamnez en quel-
que amende pecuniaire à prendre ſur leurs biens
& terres, s'ilz en ont, ſans qu'il s'en enſuiue au-
tre punition, & qu'il ſe face aucune inquisition
ou examen de leur foy. Mais (diſent ces defen-
deurs des loix) s'ilz ſe monſtrent ouuertement
ou de parole, ou de ſaiet ſouſtraictz de leur fi-
delité & obeïſſance enuers la Roine, & qu'ilz
veuillent

veullét persister en ceste desloiaulté, alors sont-ils chargez & punis de ces crimes, selon la teneur & prouision des loix.

Or ne fai-je point mention de ces argumens, pour les vouloir approuuer quant à moy : mais pour vray, si en suis-je esmeu avec aultres sages personnages, pour estimer en effect, que la temerité de plusieurs qui se coulent secretement en ce Roiaume, se disans estre Prestres, mais pour la pluspart, ieunes, indoctes & legers, a fait grand breche à la bonté de nostre cause commune. Que si eux & leurs semblables eussent paisiblement & secretement donné instruction au peuple, estans plus circumspects en leur vie & cōportemens, beaucoup plus grand nombre de personnes eussent peu estre persuadées en leurs consciences de se ioindre avec nous en la profession de nostre Religion. Dequoy ie suis tāt plus hardi de vous escrire, Monseigneur, à ce que vous puissiez conferer avec ceux de nostre Nation, lesquels ont communication avec vous, & eux aussi puissent traicter avec les peres *Iesuites*, qu'on face choix plus soigneusement de nos Anglois qui pourroient estre enuoyez cy apres en Angleterre, sans y aduancer le premier ieune homme qui se rencontrera avec plus de prouision de hardiesse, que de la doctrine & moderation requises en vne telle charge.

Plusieurs Prestres enuoyez en Angleterre ieunes, indiscrets & de mauuaise vie.

Au reste, en la premiere partie de mon discours, touchant ceste concurrence vniuerselle

La grāde force
de l'armée An
gloise par les
nauires des vil
les maritimes,
lesquelles ont
serui sans solde.

de tous les hommes de valeur, de force & de biens en tout le corps de ce Roiaume, pour le seruice & defence de la Roine & de cest estat: i'ay oublie de vous descrire le grand nombre de nauires des subiectz de ce Roiaume, tant de *Londres*, que des aultres Cités & ports de mer, lesquels ayans armé ceste année, ont esté bastans d'eux-mesmes pour mettre sus vne iuste armée de mer, fournie pour certains mois aux propres coultz & despens des bourgeois, d'hommes, victuailles & munitions, & lesquels se sont ioinctz avec l'armée de la Roine tout cest esté dernier: chose qui n'a oncques esté ouie par cy deuant, sinon qu'autrefois telles nauires estoient tousiours prinsez à gage ou solde, & munitionnées par les Rois de ce Roiaume. Par où il appert à mon grand regret & de plusieurs aultres, combien par dessus l'ordinaire, est vehemente l'affection & deuotion des villes & ports de mer: & telle, qu'ils se sont bien monstrez pardeçà disposer à combattre, comme si c'eust esté *pro aris & focis*.

Quant est du nombre & de la force des vaisseaux de la Roine, ie ne fay doubte que parcy-deuant vous n'en aiez esté suffisamment informé: toutesfois ie n'estime hors de propos de vous faire vu fidele rapport, selō qu'au plus pres i'en ay peu estre informé, de leur estat en ce dernier esté. Car pour certain i'ay esté grandement fasché de veoir combiē vous & aultres auez esté
abuzez

abuzez en cela : & non seulement en ce point
touchant les nauires de la Roine , mais aussi de
n'agueres en quelques aultres choses desquelles
en partie, es communs propos de plusieurs, l'in-
uention & publication vous est tres-malicieu-
sement imputée . Sur quoy ie vous veux bien
faire vne petite digression, pour retourner puis-
apres à l'estat de l'armée de la Roine . C'est que ^{Deux notables}
pareillement cest esté dernier on Imprima à Pa- ^{in en songes Im-}
ris par vostre moyé (ainsi qu'on disoit) vne faul- ^{primez à Paris,}
seté notable, laquelle i'ay veüe & leüe, ascauoir ^{& impurez à}
que le Roy d'Escoffe auoit assiégué & prins Bar- ^{Dom Bernar-}
ruik par assault, lequel à vostre dire, il possède ^{din de Mendo-}
paisiblement. En quoy il n'y auoit rien de verité, ^{ze.}
ny mesme occasion de l'imaginer, encores que
pour ma part ie l'eusse bien désiré, non pour au-
cune miennne bien-vueillance enuers ce Roy-là,
mais pour veoir ceste Roine en trouble : Car
pour certain il n'y a rien de bien à esperer pour
nous de la part du Roy d'Escoffe, quelque chose
que les Euesques Escossois qui sont en France
ayent cherché de vous persuader du contraire,
veu qu'il est tellement enraciné en ceste Religio
Caluiniste, qu'il ne reste aucune esperance de le
ramener au giron de l'Eglise Romaine : & i'en
pense que vous en estes deuëment informé tout
de mesme, comme aussi il l'a bien fait paroïr par
la poursuite violente contre quelques Catholi-
ques, & contre tous ceux qui fauorizent l'Espa-
gnol. Il s'imprima aussi n'a pas long temps à

L'autre men-
songe touchant
la victoire des
Espagnols, lors
qu'elle estoit
du tout mani-
feste du collé
des Anglois.

Mendacia de
Mendoze.

Paris vn autre grand mensonge, & ce (au dire de vos ennemis) à vostre poursuite, ascauoir, qu'au mois de Iuillet dernier, quand les armées d'Espagne & d'Angleterre se rencontrerent & combattrerent entre la France & l'Angleterre, lors les Espagnols remporterent vne grande victoire, en laquelle *My Lord Admiral* d'Angleterre, avec seze des grans Nauires de la Roine, auroient esté enfonchez au profond de la mer, & que le reste auoit esté mis en fuite avec le Vice-amiral *François Drak*. De ces deux notables mensonges que les aduersaires intitulerent *Mendacia de Dom Bernardin de Mendoze*, beaucoup de ceux qui vous honorent, ont esté grieuement ou-
trez, que vous aiez si soudainement donné crédit à vn tel rapport, pour le publier, cōme vos ennemis disent que vous auez fait. De moy, pour vostre honneur, aiant qu'il m'a esté possible s'ay-
faict courir le bruit que ces choses & sembla-
bles estoient procedées de la legereté des Fran-
çois, entre lesquels vous estes: lesquels, en ces
temps confus seient plus liberalement des mé-
sanges, que des veritez: & non pas de vous, du-
quel l'estimerant l'honneur & la sagesse, qu'elle
ne se vouldroit diffamer de telles faulxtez &
mensonges: considéré que tousiours vn bien peu
de temps descouure la verité de la chose laquel-
le estoit obscurcie de mensonge, avec discredit
& infamie de celuy qui en est l'auteur. Si est-ce
qu'encores s'est-il semé vn propos comme estant
parti

parti de vous en France, & lequel a causé contre vous vn grand mescontètement en Escosse, c'est que vous auriez dict ouuertement en grande compagnie & comme en brauant, que le ieune Roy d'Escosse, que vous appelez en vostre langage *un garçon*, auoit trompé le Roy vostre maistre: mais que si l'Armée du Roy prosperoit contre l'Angleterre, le Roy d'Escosse en perdrait la Couronne. Et de cecy, le Roy d'Escosse en a eu aduertissement de France, & a vsé de telz termes contre vous, que pour rien ie ne voudrois en faire le rapport moy-mesme. Mais pour laisser ceste digression & retourner à vous, je vous représenterai naïfvement l'estat de l'armée navale de la Roine tel qu'il a esté: elle se mist sus au commencement de l'année quand on sema le bruit de l'apprest de l'armée du Roy en *Lisbonne*, & de l'armée de terre sur les costes de Flandres auec l'equippage de mer: & fut diuisée en trois Flottes, la plus grande, soubz la charge De *My Lord Charles Howard* grand Admiral d'Angleterre, duquel le pere, l'aycul, les oncles & grans oncles & auilres de sa maison issus de la noble maison des Ducs de *Norfolk*, ont aussi esté grans Admiraux deuant luy, dequoy la France & l'Escosse ont fait preuue suffisante: l'autre partie estoit ordonnée pour demeurer avec le *My Lord Henry Seymour*, second filz du Duc de *Somerset*, lequel fut Protecteur du Roiaume au temps du Roy *Edouard*, & frere

L'estat de l'armée de mer d'Angleterre cest esté desnier.

Le Seigneur Howard Admiral.

Le Seigneur Héry Seymour.

Le Sire François
Drak.

du Comté de *Hartford* qui est à present . Et ces deux bandes firent seiour pour vn temps au destroict de la mer d'entre Angleterre & Flâdres, soubz la charge dudiect *My Lord* Admiral, pour considerer les actions du Duc de *Parme* . Vne troisieme Flotte estoit armée au Ponent d'Angleterre, qui regarde l'Espagne, soubz la conduite du Seigneur *François Drak*, homme qui n'est que trop cogneu & de nom & de renommée à toute l'Espagne, et aux Indes du Roy, mais de grâde reputation en Angleterre: & icelle composée en partie de quelques vnes des nauires de la Roine, en partie des nauires des ports qui sont vers l'Occident . Mais apres l'aduertissemēt certain que la grâde Armée d'Espagne estoit prestee à sortir de *Lisbone*, & que la renommée vola par toute la Chrestienté qu'elle estoit inuincible, comme aussi cela fut publié par liures Imprimez: la Roine & tout son Conseil furent, ie m'en assure, quelque bonne mine qu'ils fissent, en perplexité non petite, attendans pour certain vn dangereux combat sur la mer, & apres cela vne desquite & inuasion par la terre . Sur cela le *My Lord* Admiral fut commandé de faire voile à l'Ouest d'Angleterre vers l'Espagne avec les plus grans nauires, pour se ioindre avec *Drak*, lequel il fit Vice-admiral, & seiourner en la mer qui est entre la France & l'Angleterre, pour empescher l'entrée à l'Armée d'Espagne . Lors aussi vint avec le *My Lord* Admiral le

My

My Lord Thomas Harvard second filz du dernier Duc de Norfolk, & le *My Lord Sheffield* filz de la sœur de l'Admiral, femme de l'Ambassadeur pour la Roine en France, avec grand nombre de riches & puissans Cheualiers. Pour lors le *My Lord Henry Seymour*, fut laissé avec bon nombre de nauires au destroiët de la mer sur les costes de Flandres, pour prédre garde au Duc de *Parme*.

Le Seigneur
Thomas Har-
ard.

Le Seigneur
Sheffield.

Le Seigneur
Héry Seymour.

Or cependant que ces deux Armées furent ainsi diuisées, ie vous confesse que moy & autres de nostre parti, secretement faisons du tout nostre compte, que nul de tous les nauires Anglois n'ozeroit atèdre le regard de l'Armée d'Espagne, ou que s'ils attendoïët quelque combat, ilz seroiët tous enfoncez dès la premiere rencontre. Car nous auions conceu vne opinion si constante par le rapport de tout le monde de la grandeur & multitude des Nauires, & l'Armée d'Espagne, estant le choix des vaisseaux de toutes les Seigneuries du Roy, estoit si excessiue-ment monstrueuse par dessus toutes les armées de mer qui iamais ont esté veües en toute la Chrestienté, sans en excepter l'Armée de *Le-
pante*: qu'à nostre iugement nulle puissance ne pourroit subsister deuant elle. Mais vn fort peu de temps, voire le seul premier iour, descouurit manifestement, au grand deshonneur de l'Espagne, combien lourdement en cecy nous nous estions abuzez: Car l'Armée Catholique estant

arriuée és costes d'Angleterre, laquelle de vray les Anglois recognoissent leur auoir semblé beaucoup plus grande qu'ilz n'esperoient, & aduoüent qu'ilz furent estonnez au seul regard d'icelle : Neantmoins le *My Lord* Admiral &

Le combat de
l'Armée An-
gloise, avec
l'Espagnole.

Drak, ayans seulement cinquante nauires Angloises hors du haure de *Plemouth*, dans lequel le reste estoit demeuré, sans attendre le reste de l'armée qui estoit à *Plemouth* pour faire vn nouveau ravitaillement, ilz offrirent incontinent le combat, & poursuiurent furieusement toute l'armée d'Espagne composée d'enuirō 160. vaisseaux, tellement qu'estant viuement assaillie tout vn iour par le continuel tonnerre des canonnades Angloises, elle s'enfuit sans iamais faire teste. Apres cela, l'armée d'Angleterre s'estant accreuë iusques au nombre de cent vaisseaux grans & petits, renouuela le combat avec vne terrible tempeste de Canons tout ce iour-là, gagnant tousiours le vent sur l'Armée Espagnole. Ce me seroit chose trop fascheuse de reciter les particularitez, lesquelles les Anglois ont amplement descrites à leur grande louange: mais (pour en parler en vn mot) par l'espace de neuf iours entiers, ilz les forcerent continuellement, & les forcerent de fuir, les briserent, enfoncerent & prindrent en trois iours de combat plusieurs des plus grās vaisseaux: desquels, & specialemēt du grād & principal nauire d'*Andelouzie*, & de *Lamirande de Guiponsque*, & pour le troisieme de

La fuite de
l'Armée Espa-
gnole.

de la principale Galeasse de *Naples*, grand nombre de prisonniers furent amenez à *Londres* & aultres ports de ce Roiaume; oultre beaucoup plus grand nombre de tuez & noyez, au grand deshonneur de toute l'Espagne. Or entre ces prisonniers il y auoit grand nombre de Capitaines tant de mer que de terre: & (ce qui fletrist l'honneur d'Espagne, & me naure le cœur de veoir l'instabilité de la fortune) nos ennemis se vantēt, qu'en tous ces combats partant de iours diuers, les Espagnolz n'ont iamais prins, ny enfoncé aucun nauire, ny bastean, non pas mesme rompu aucun mast, ou prins vn seul homme prisonnier. Chose pour certain du tout esmerueillable aux Espagnols prisonniers, lesquelz se despitent sur cela, tellement qu'aucuns, tout angoissez qu'ilz sont en leur esprit, ne laissent pas de dire qu'en tous ces combats, Iesus Christ s'est monstré Lutherien luy-mesme. Et combié que tels propos soient indiscrets, & qu'on n'en doie faire estat, si est-il pour certain tresmanifeste, qu'en tout ce voiage depuis que l'armée sortit de *Lisbonne* iusques à ceste heure, Dieu n'a pas monstré vn seul iour sa faueur aux nostres, comme il a fait continuellement à ces Lutheriens. Ce qui peult estre adueni pour nostre bien, afin de nous corriger, comme ayans mis entierement nostre confiance es forces humaines: & à la confusion cy apres des Lutheriens, en les enflans (comme les ennemis) de prosperité, pour

Les prisonniers
Espagnols di-
sent, que Christ
en cest esté,
s'est monstré
Lutherien en
tout le voiage
de l'armée Es-
pagne.

La desfaueur
de Dieu cōtre
l'Armée Espa-
gnole, depuis le
commencement
iufqu'à la fin.

vn temps, laquelle soit puis apres cause de leur ruine. Au reste, entre aultres choses qui se diuulgüēt au deshonneur du Duc de *Medine* (lequel on dict auoir prins la place de grande hardiesse au fonds de son nauire pour plus grāde seurcrē) & au grand diffame des Espagnols de commandement, qui estoient en ceste Armée: on tient pour certain qu'ilz ne voulurent iamais tourner ny arrester leurs nauires pour la defence de leurs propres vaisseaux, lesquels estoient contrainctz de retarder & demeurer derriere, ains souffrirent que plusieurs perissent deuant eux. De cela portent bon tesmoignage les trois grans vaisseaux, l'un auquel fut prins *Dom Pedro de Valdez*, l'autre le Galion de *Guipoufque*, lequel perit par le feu, & ceste Galeasse celebre, en laquelle *Hugues de Montada* fut tué. Et de ceste nonchalance du Duc de *Medine*, les prisonniers Espagnols en parlent fort desauantageusement. Il se dict le semblable en Zelande par les Espagnols qui sont là, & qui furent sautiez avec *Dom Diego Pimentelli*, encores que le Galion auquel il estoit, batu des Canonades Angloises sans aucun secours des nauires d'Espagne, perit là en abordant à *Flesinghe*: comme semblablement vn autre perit deuant *Ostende* par faulte de secours. Or vous faisant ce diseours, ie doy bien penser que vous estes oultré de douleur en vostre esprit, ou plustost de choiete contre moy d'une si longue narration de choses si mal plaisantes

Dom Pedro de
Valdez Capitaine
general de l'Armée
d'Andelouzie.

Hugo de Montada
general des Galeasses
de Naples.

Diego de Pimentelli
Capitaine du Galion
nommé Saint
Matthieu.

fantés, encores qu'elles ne soiēt que trop vraies. Et pourtāt aussi ie m' imagine que vous pouuez estre desireux d'entendre pour vostre plus grand contentement, quelle opinion nous reste par deçà, nous trouuans ainsi frustrez de nostre tant esperée deliurance, par le mauuais succès de ceste grande entreprinse: asçauoir si nous deuons nous reconforter nous-mesmes par quelque discours vray semblable, que ce desseing se puisse renouër ceste année prochaine, pour le recouurement de nostre esperance perdue en ceste année, tāt fameuse & celebre par le nombre de 88. & verifiée estre telle par la grand perte de tous les Catholiques. Sur quoy ie trouue pour certain ayant secretement conféré de n'aguères avec plusieurs de cest infortuné accident, que de long temps nous ne pouuons esperer probablement aucun bon succès. Et si en cela il y a quelque chose à esperer, certainement les forces de mer du Roy Catholique, de toute necessité doiuent estre beaucoup plus grâdes, & mieux gouuernées qu'elles n'ont esté ceste année: car voicy que nous considerons Ceste entreprinse d'inuasion & conqueste estoit principalement fondée sur certaines opinions probables du mauuais estat de ce Roiaume. Premièrement de la foiblesse des nauires Angloises, car tels estoient les aduis, lesquels (comme vous sçauiez) par diuerses voies l'année passée on vous donnoit d'icy: & tel aussi estoit le iugement de plusieurs par de-

Consideration
de ce qui se
pourroit faire
l'année pro-
chaine, pour
remettre sus
l'enterprinse.

Les 3. esperan-
ces conceüs
contre l'Angle-
terre, à present
frustratoires.

çà. En quoy nous voyons par le seruice qu'ont rendu ces nauires toutes ces années, que nous auons fait vn erreur notable. Le second fondement estoit d'un mescontentement supposé de grand nombre de peuple, le rendant mal affectonné au seruice de la Roine & de son gouuernement à l'encontre de ses ennemis. Finalement & principalement, d'un grad & fort parti, lequel s'y trouuerent prest en faueur de la Religion Catholique, & lequel prendroit les armes contre la Roine à la premiere veüe de l'armée Catholique és costes d'Angleterre. De toutes lesquelles opinions, comme estans bien imprimées & résolues és esprits des gens de bien, nous scauons qu'il n'y a homme au monde qui en ait donné au Roy vne assurance plus ferme que vous. Ce qui me met en crainte, toutes choses aians si mal succédé, que n'encouriez le danger de son indignation, encores qu'en cela ie ne fay doubte de vostre bonne intention. Or cōme ces trois opinions nous ont manqué ceste année, ainsi vous en pouuez-vous tenir certain pour l'aduenir. Ie scay bien qu'aucuns des nostres qui sont delà la mer, peuuent persister en leurs opinions cōtre l'expérience qu'on en a veüe de n'agueres, & y a bien apparence qu'ils y sont cōme forcez pour se maintenir en credit, & continuer en l'appoinctement qui leur est donné du Pape & du Roy, n'aians aucun aultre moien de se preseruer, ou de ieusner, ou de mendier :

tou-

toutesfois pour ce que ie ne voudrois point
 permettre à mon escient, que vous fussez beslé
 par eux, qui n'ont pas esté presens en ce Roi-
 aume pour voir par effect la refutation de leurs
 imaginations, comme moy & quelques autres:
 ie vous veux deduire yn grand nombre d'argu-
 mens manifestes, bien que i'en sois nauré ius-
 ques au coeur, par lesquels selon vostre sagesse
 (pourueu que vous ne l'a souffriez point auen-
 gler par les autres) vous pourrez certainement
 recueillir quant à ces opinions d'intelligence &
 d'assistance en ce pais, que nous en aurons des
 preuues contraires aussi fortes ceste année pro-
 chaine, voire en quelque esgard plus fortes, qu'el-
 les n'ont esté ceste année, si on veult bien calculer
 toutes choses. Car l'armée de mer d'Angleterre
 a fait preuue ceste année à la venue de tout le
 monde, de sa force & puissance en ces mers de
 deçà, & qu'elle est suffisante de faire tout en sa fa-
 çon de combattre, à yn nombre plus grand au
 double de *Galions*, *Caragues*, *Galeasses* & *Ga-
 leres*. Or est il certain que leur nombre s'accroi-
 stra par deçà beaucoup d'auantage pour ceste
 années prochaine. Car ie scay qu'en ces iours der-
 niers on a desia fait marcher, fourni argent &
 depesché tout expres en *Esland*, pour faire amas
 de toutes sortes de provisions pour la mer.

Et quant à l'accroissement d'yn nombre de
 bons nauires pour le seruice de la Roine, il y a
 desia grande quantité de bois prest, & ordre prins

pour en abbatre d'auantage és mois de Nouem-
bre & Decembre prochains, sur les bords tant
de la mer, que de la *Tamise*; pour bastir vn cer-
tain nombre de nauires de guerre, pareil à ceux
qu'on a veu ceste année battre les grandes Ar-
madet & Chasteaux d'Espagne & d'Italie. D'a-
uantage on aura pour certain grand nombre de
nauires, non seulement de *Holande* & *Zelande*,
mais aussi de *Dannemark*, & autres endroits de
deuers l'Est, pour ioindre l'année prochaine a-
uec l'Armée Angloise, de qu'on n'auoir point re-
quis l'année dernière: seulement certains *Zelan-*
dois & *Holandois* offriront leur seruice, selô qu'ils
y est priuocatus, vers la fin de l'esté apres le com-
bat qui s'est fait pres de *Calais*, pour se ioindre avec
quelques Nauires Anglois, au d'estroict de la
mer, pour defendre l'issus du Brince de *Parthe*.
hies des ports de *Flandres*. Pour lequel seruice,
il y a à présent quarante six hôt nauires de guerre
soubz la conduite du Vice-admiral *Iustinian* de
Nassau; homme qui ne s'accorde quetrop bien
avec la nation Angloise, & qui est ennemy na-
ré de tous les Espagnols & Catholiques: & tiend
on pour certain, qu'il vient en mer, oultre cela
quarante nauires de la *Holande* Septentrionale;
pour la mesme effectuellement qu'il est à presu-
mer que la force de ce Roiaume, sera grande, au
double ceste année prochaine; plus qu'elle n'a
esté la dernière.

Voyons maintenant la seconde branche de
nostre

Offre des Ho-
landois & Ze-
landois à la
Roine, pour se
iointre a l'ar-
mée Angloise.

Iustinian de
Nassau Admi-
ral de Holande
avec 46. nauires
de guerre, ioint
avec l'armée
Angloise con-
tre le Prince de
Parthe.

nostre esperance produicte de l'opinion conceue
 du grand mescontentement de plusieurs per- Argument pour
prouuer qu'il
n'y a nul mes-
contentement
du peuple en-
uers la Roine.
 sonnes contre la Roine. Or le contraire s'est
 clairement verifié ceste année, tant par ses actions
 propres à se maintenir en la beneuolence de son
 peuple, que par vne deuotion generale & affec-
 tionnée de tous estats, nobles ou inferieurs, riches
 ou pources enuers elle: voire si grande, que i'esti-
 me qu'il n'y a iamais eu Prince Chrestien qui
 ait eu plus de matiere de reiouissance & confi-
 ance en son peuple (chose, à mon iugement, qui
 pourroit bien engendrer quelque racine d'or-
 gueil en son cœur) Elle d'autre part pour reco-
 pense d'vn tel deuoir, s'est monstrée en toutes ses
 actions, voire lors que les dangers menacoient
 de plus pres, si soigneusement attentue au bien
 de son peuple & à la conseruation de son est, t,
 sans aucun esgard special ny pouruoirance parti-
 culiere pour sa personne, qu'aucun autre Prin-
 ce ne pourroit iamais faire d'auantage. Premie-
 rement, pour faire entendre à son peuple quel
 soing elle auoit de fortifier son Roiaume contre
 toute inuasion, elle a mis tres-soigneusement or-
 dre par commandemens reiterez, que tout son
 Roiaume fust en armes, s'en attribuant la cog-
 noissance à elle mesme par les certificats qui luy
 en seroient enuoyez de mois en mois, par ceux
 qui estoient ses Lieutenans en chaque Bailliage
 de son Roiaume. Elle fit enuoyer par toutes les
 prouinces. armes, poudres & autres munitions,

La pouruoirance
de la Roine,
pour fortifier
son Roiaume.

avec reglement pour tous les quartiers maritimes, là aussi elle fit dresser des armées pour defendre toutes les aduenues de la mer. Et, comme il m'a esté rapporté par quelque vngs qui scauent le secret de la Cour, elle pressoit importunémēt son Conseil de ne laisser passer vn seul iour sans s'emploier à auancer ses affaires. Ceneantmoins elle fit continuer le traicté de la paix és Pais bas par ses deputez, laquelle sans doute elle desiroit bien, autant qu'elle l'eust peu obtenir avec certaines cōditions. Ainsi pour vn plein contentement de son peuple, elle desiroit & entretenoit le pour parler de paix, sans negliger cependant de fortifier son estat, si tant estoit que paix ne peust estre obtenue. Mais en fin voyant les demandes entierement refusées (nouuelle fort agreable à nous aultres Catholiques) & entendant certainement que l'armée du Duc de Parme deuoit passer pour du tout destruire la Cité de *Londres*: elle reuqua ses deputez, approcha en personne de *Londres*, & se vint loger cōme aux faulxbourgs, chose qui resioit & affeura grandement toute la ville, laquelle faisoit monstre ordinairement d'entre les habitans de dix mille hommes armez & exercez. Et en oultre, tenoit prestz trente mille hommes de combat. Elle fit aussi dresser & camper son armée vers la mer sur la *Tamisse*, huiēt ou dix lieues au dessoubz de la Cité de *Londres*, tendant à la mer, là où l'armée estant arriuée, elle ne peut estre
empes-

empeschée par aucun conseil, que pour accourager son peuple, elle ne fist resolutiō de monstrier qu'elle logeoit en vn corps de femme, vne ame genereuse & vn cœur du tout magnanime. Elle vint donc en son armée, en laquelle cōmandoit le Comte de Leycester, pour lors cāpée entre la Cité de *Londres* & l'ennemy, & passa diueres fois tout au trauers: elle print son logis tout au pres, elle y retourna derechef & disna en l'armée, elle fit veuë premierement de toutes les bādes selon qu'elles estoiet distribuées par prouinces, chacune en leurs quartiers & cāps particuliers, & les reuista de place en place: puis estans rāgez en bataillons, cōme prestz à cōbatre, elle les circuit tout à l'entour & les cōsidera curieusement, n'estāt accōpagnée que du general de l'armée & de trois ou quatre aultres qui prinsissent garde à elle: Encores pour representer son estat, ie cōsideray biē que l'espée estoit portée deuant elle, par le Côte d'*Ormond*. Là elle fut saluée generalement d'acclamatiōs, d'harquebouzades, de toutes sortes de tesmoignages d'amour, d'obeissance, de promptitude, de volenté de combattre pour elle: spectacle rare en vn cāp ou armée, attendu son sexe: mais le tout tendant à ceste fin, de monstrier vne merueilleuse concorde & mutuel amour entre la Roine & ses subiectz, & la reuerēce & obeissance des subiects enuers leur Princeesse souueraine: pour lesquels deuoirs elle les sceut bien caresser de remercimens & paroles

La Roine en son armée, au plus grand dāger de la descente des ennemis.

Notable applaudissement du peuple pour la presence de la Roine en son camp.

honestes, d'une façon entierement Roiale. Or pourrois-je bien amplifier ceste description de beaucoup plus de particularités que j'ay veuës moi-mesme: car ie me trouuay là avec plusieurs aultres, là où me promenât tout le iour de place en place, ie n'ouy iamais dire vn seul mot d'elle, sinõ en louât la dignité de sa personne & son cõportemēt Roial, & en priât Dieu pour sa vie & cõseruariõ, avec execratiõ de ses ennemis & des traistres & de tous Papistes, chacū monstrât vn singulier desir de hazarder sa vie pour sa defèce.

Le chant des
Pseaumes en
l'armée An-
gloise au camp.

Et oultre telles acclamatiõs generales, toute l'armée en chaque quartier chatoit, elle l'oiant, à certain tēps fort deuotemēt & melodieusement plusieurs Pseaumes, accõmodez en telle forme de prieres à la louange de Dieu tout-puissant, que cela n'eust peu en façon quelcõque desplaire à aucun: chose qu'elle prisoit grandement, le cõioignant avec eux & rendât graces à Dieu avec paroles serieuses & graues. Ce que ie vous escry, vous le pouuez biē tenir pour tout certain, ie ne le fay pas pour plaisir que i'y prenne: mais afin que par ces argumens, il vous conste que la Roine ne donne aucune occasion à son peuple, & que le peuple ne monstre aucun signe de mescontentemēt en ce qui luy est commandé pour le seruice de la Roine, comme on s'estoit par cy deuant imaginé.

Elle auoit aussi preparé vne armée d'environ 40000. hõmes de pied, & 6000. de cheual des prouinces

prouinces qui sont au cœur du Roiaume, pour se tenir pres de sa persōne, sans desarmer les païs maritimes. Le tout soubz la charge de *My Lord Hunsdon*, Seigneur Châberlâ & Lieutenât pour sa Maiefté en ladicte armée. Tellement qu'au mesme tēps qu'elle estoit au camp, plusieurs s'acheminoiēt vers elle de diuerſes prouinces: aucūſ vindrēt iusques aux fauxbourgs & villages prochains de *Lōdres*, lesquels, à cause de la moisson prochaine, furent commandez de retourner en leur païs, lesquels pour vne grande part (non obstant ce cōmandemēt) ne laissoient de s'auancer à leurs charges, pour veoir (cōme ilz disoiēt) la personne de la Roine, & pour cōbatre ceux qui se vantoient de la conquēſte du Roiaume.

Aultre Armée
preparée pour
la Roine, outre
celle qui estoit
opposée à l'en-
nemy pour luy
defendre la de-
ſcente.

Et quoy que la plus grand' part desdicts soldats fust cōtrainct de s'en retourner, toutesſois les Capitaines conducteurs & les principaux Cheualiers & Gentilz-hōmes vindrent iusques en Cour offrir leur seruiſe, lesquels furēt careſſez avec beaucoup de remerciēmēs, estans à present de retour pour la pluspart, avec pleine reſolutiō & promesse d'entretenir de sorte leurs bādes prestes, qu'apres quelques heures d'aduertiſſement, ils les rameneront en bon equippage. Outre les ſusdicts argumens opposez à l'opinion du meſcontētement du peuple, duquel on attendoit grand aduantage pour cēſte entreprinſe honorable, ie veulx bien auſſi vous reſeñter certaines actions notables, faiſans preñue en ce
meſme

La puissante
Cavalerie a-
menée par la
noblesse, pour
la défense de
la personne de
la Roine.

mesme temps du contentement & promptitude de toute la Noblesse du Roiaume, laquelle n'estoit point contraincte de demeurer en son pais pour raison des charges & estats qu'ils eussent, comme sont les Gouverneurs & Lieutenans lesquels y commandent pour le faict des armes. Car si tost qu'on entendit que la Roine estoit approchée de *Londres*, & que les armées s'assembloient pour se venir opposer de tous costés à tous efforts des ennemis, & qu'on fut adverti des costes de la mer que l'armée Espagnolle estoit apparue: tous les grans Seigneurs du Roiaume, de l'Est à l'Ouest, & du Nord au Su, (ceux-là seulement exceptez lesquels ayans le gouvernement des provinces, n'en pouvoient legitimement estre absens, à cause de leurs charges, & quelque peu qui n'eurent moyen d'assembler des forces selon leur desir) se rendirent incontinent pres de la Roine, amenans avec eux chacun selon leur degré (& y employas iusqu'au bout leur puissance) des compagnies de gens de cheval, Lanciers, Chevaux legers, Argoulets, lesquelles ilz logerent à l'entour de *Londres*, les entretenas à leurs charges tout ce temps, & iusques à ce qu'on eut cognoissance certaine, que l'armée d'Espagne estoit emportée par delà l'Escoffe. Or plusieurs de ces Seigneurs firent monstre de leur Cavalerie deuant la Roine, (voire au champ qui est deuant la porte de sa maison) avec grande admiration des hommes de

de iugement, à ce que i'ay entendu, tant pour le grand nombre qu'il y en auoit, que pour estre bien armez & montez: car n'estans point du nombre de la Caualerie ordonnée en chacune province, ny rangez és compagnies, on n'eust point pensé qu'en tout le Roiaume, il y eust eu tant de cheuaux d'espargne de telle valeur, excepté vers le Nord és limites d'Escoffe, où les forces consistent principalement en Caualerie.

Le premier qui fit monstre de sa compagnie, fut le noble, vertueux & honorable Vicomte de *Montagu*, lequel, quelque chose qu'on iuge de luy pour le fait de la Religion, toutesfois on tient auoir tousiours déclaré (comme encores à present il declare & proteste solennellement, tant à la Roine, qu'en toutes les assemblées publiques de la Cour, quelque maladis & agé qu'il soit) qu'il est prest, avec vne entiere resolution, de viure & de mourir pour la Roine & pour son pais, contre tous ceux qui le voudront enuahir, soit Pape, Roy, ou Potentat quel qu'il soit, & qu'en ceste querelle il hazardera sa vie, ses enfans, ses terres & tous ses biens. Et pour faire preuue par effect de sa parole, il se representa personnellement deuant la Roine avec sa compagnie de gens de cheual d'enuirō deux cens hommes, conduite par ses propres filz, & entre iceux vn ieune enfant, lequel estoit fort bien à cheual, heritier de sa maison, comme estant filz aîné & heritier de son filz. Chose notable & louée de

La monstre de
la compagnie
de Caualerie
du My Lord de
Montagu, fut la
premiere.

plusieurs, de veoir le grād pere, le pere & le petit filz tous ensēble à cheual deuāt leur Roine pour son seruice. De moy, ie prenois vn grād desplaisir de veoir le contentement qu'auoient nos aduersaires en vn tel spectacle: mais pour vostre regard, Monseigneur, ie n'ay pas peu vous le taire, estimant que ce Seigneur vous est assēs connu, comme aiant estē employē en Ambassade vers le Roy Catholique plusieurs annēes, selon que i'ay entendu, de la part de la Roine, pour requierir confirmation des traictēz d'amitiē faictz au parauant entre leurs peres. Or ie ne doubte point qu'il n'y en ait par decā quelques aultres de mesme condition que ce Seigneur, de la faueur desquels il ne fault pas faire estar, quand il sera question d'attenter quelque chose contre la Roine ou d'enuahir ce Roiaume.

Monstre de la
Caualerie de
quelques Seig-
neurs.

Le Comte de
Lincolne.
Lord Windsor.

Le Seigneur
Chancelier.

Il y eut au mesme temps plusieurs aultres qui firent monstre d'un grand nombre de cheuaux de seruice: ce qui vous est vtile de scauoir, encores qu'il vous soit peu agreable, pour n'estre point abuzē par faulte de bien scauoir l'estat present de decā, afin que cy-apres vous puissiez mieux iuger ce qui est de faire, pour reparer la perte & le deshonneur du passē. Alors donc le Comte de *Lincolne* & le *My Lord de Windsor*, (ioinctz avec eux quelques Cheualiers & Gētilz-hommes) firent les monstres de leurs compagnies, comme le *My Lord de Montagu* auoit faict: & apres eux, le *My Lord Chancelier* fit monstre

monstre en sa maison, d'une braue troupe de plusieurs vaillans homes, tât de pied, que de cheval. Puis vn iour ou deux apres, le Côte de *Warwick*, *My Lord Burghley* grâd Thresorier d'Angleterre, *My Lord Compton*, & sur le soir le Côte de *Leycester*, avec le *My Lord Riche* (oultre plusieurs Seigneurs du Royaume) firent môstre chacun à part de leurs cōpagnies de cheval, au grand contentemēt de la Roine & de tout le peuple, lequel estoit là present par milliers. Deux iours apres, le Côte d'*Essex* grâd maistre de l'escurie de la Roine, avec aucuns des principaux Gētilz-homes de sa suite, & de ses amis & seruiteurs, firent monstre deuant la Roine de 300. bons cheuaux de service, avec grand nōbre d'Argoulets, & vne belle cōpagnie de gēs de pied tous mousquetaires. Ceste monstre surpassa en nombre toutes les autres compagnies particulieres, & le Comte luy-mesme avec grand nombre de Lanciers bien montez & armez, courut souuentefois, notamment avec le Comte de *Gumberland*, comme s'ilz eussent esté en champ de bataille. Ce qu'ils appellent icy *la course du champ*, chose que ie n'auois iamais veue au parauant. Il continua aussi vn long tēps avec sa compagnie de cheval, *vn tournoy*, avec force escharmouches, par ses Argoulets & gens de pied. Qui fut vn passe-temps fort agreable à la Roine & à tout le peuple qui estoit là present à la foule. Parmi lequel i'entēdy maints propos picquans contre les An-

Le Comte de
Warwik.
Lord Thresorier.
Lord Compton
Le Comte de
Leycester.
Lord Riche.
Le Sire Walter
Mildmay.
Sire Henry
Cromwell.
Sire Jean
Pointes.

La grande cōpagnie de Côte
d'Essex.

La course du
champ.
Tournoy.

glois Papistes (qu'ils appelloient tous traistres) souhaitans que les Espagnols fussent presens au mesme chāp trois fois autant en nōbre, pour faire preuue de la valeur des Anglois. Ce m'estoit chose biē griefue d'ouir tels propos, avec maintes execrations contre tous ceux de leur païs, lesquels (comme ils disoiēt) trahissans meschāmēt leur propre patrie, auoiēt, autāt qu'en eux estoit, villainement vėdū la libertė de leur païs aux Espagnols & aultres Papistes. Ce n'estoit pas lors à moy à cōtredire : que si ie l'eusse fait, pour certain l'indignation eust estė telle au spectacle de ceste belle Canalerie, qui leur redoubloit le courage, qu'en leur fureur ils m'eussent là tuė sur le champ & hachė en mille pieces. Oultre les Seigneurs cy-dessus nommez, il estoit venu en la ville d'aultres belles cōpagnies amenėes par le Cōte de Worcester. Le Comte de Hertford, le My Lord Audely, le My Lord Morley, le My Lord Daeres, le My Lord Lomeley, le My Lord Montroy, le My Lord Starton, le My Lord Darcy, le My Lord Sandes, le My Lord Mordant, & par chacun des Seigneurs du priuė Conseil tellement que par l'estimation commune, il y auoit alors es enuiron de Londres, quelque 5000 cheuaux tous prestz pour le seruice de la Roine, sans la Canalerie qu'on auoit leuėe pour le corps des armėes & pour la garde des costes.

Tay ouy d'auantage en fort bon lieu, là où j'estois sans mot dire, qu'il y en auoit encores

deux

Le Comte de
Worcester.
Le Comte de
Hertford.
Lord Audely.
Lord Morley.
Lord Daeres.
Lord Lomeley.
Lord Montroy.
Lord Starton.
Lord Darcy.
Lord Sandes.
Lord Mordant.

deux fois autant tous prestz avec les grans Seigneurs absens, pour auoir l'œil sur les affaires en leurs gouuernemens particuliers. De ce nombre est le Marquis de *Winchester*, lequel est estimé tres-puissant & bien fourni de soy-mesme, & de cheuaux & d'armes, lequel est Licutenant pour la Roine en la prouince de *Hamptonne*.

Marquis de
Winchester.

Comme aussi le Comte de *Suffex*, Capitaine de *Portesmouth* & Licutenant en *Dorcestre*. Apres

Comte de Suffex.

luy on met en rang le Comte de *Shrousbury*, Comte Marechal d'Angleterre, Licutenant pour la Roine en vn grand nombre de prouin-

Comte de Shrousbury.

ces, & tres-puissant de par soy-mesme, tant en gens de cheual, que de pied: oultre la puissance du Seigneur *Talbot* son filz. Et combien que le Comte *Darby* fut lors en Flanders, d'où il est n'agueres retourné, neantmoins son filz *My*

Lord Talbot.

Comte Darby.

Lord Strange Lieutenant en *Lancaster* & *Chester* en l'absence de son pere, a fait leuée d'une grande puissance de Canalerie. Et à propos de ce Comte (pour monstrier l'affection de tout le pais enuers luy) j'ay entendu pour certain, que lors qu'il seiournoit trop long temps au gré du peuple en Flanders, & qu'on se doubtoit que le Duc de Parme ne le voulust arrester par delà avec les autres Commissaires, le peuple generalement determinoit en soy-mesme que le Seigneur *Strange* filz du Comte assisté de toutes les forces de *Lancaster* & *Chester*, passeroit la mer pour ramener le Comte chez soy. C'est vn conte ri-

Lord Strange.

dicule, mais propre à monstrier la forme de la-
mour du peuple enuers luy, lequel avec son fils
est resoluëment bandé contre le Pape.

Comte de Bath

Offre du Côte
de Penbrook.

Le Comte de *Bath*, pareillement Lieutenant
en *Deuonie* auoit de grandes forces prestes, com-
me on dict, pour empescher la descente des es-
trangers en ceste coste-là. Côme aussi le Comte
de *Penbrook*, Lieutenant en *Sommerfet & VVil-*
shir & Gouverneur de *Galles*, estoit prest de ve-
nir vers la Roine avec trois cës cheuaux & cinq
cens hommes de pied, tous leuez & de sa rete-
nue, les provinces qui sont soubz sa charge de-
meurans pleinement fournies.

Côte de Nor-
thumberland.
Comte de Cū-
berland.

Ie laisse icy à parler de la trouppes de Caua-
lerie des Comtes de *Northumberland & Comber-*
land, lesquels estans prestz d'en faire monstre,
neantmoins si tost qu'ils entendirent l'approche
del'armée Espagnole, ces deux Comtes couru-
rent volontairement & en toute haste vers la
mer: & se rendirent en l'armée de la Roine, de-
uant le combat qui se fist pres *Calais*. Là estans
en diuers nauires de la Roine, ils luy firent de
braues & notables seruices de leurs personnes,
contre l'armée d'Espagne. Et pour vous mon-
strer vne generale & grande proptitude de plu-
sieurs aultres en ce mesme temps à employer
leur vies en ce mesme seruice, arriuerent aussi
alors en l'armée de mer, grand nombre de Gen-
tilz-hommes de qualite, lesquels de leur propre
mouuement, sans aucune charge & au desceu
de

de la Roine, se ietterent en diuers de ses nauires
 esquels ils rendirent bon seruice, au combat qui
 se fit deuant *Calais*: le nombre desquelles estant
 fort grand, voicy le nom de ceux desquels il me
 peult souuenir. Monsieur *Henry Brook*, filz &
 heritier de *My Lord Cobham*, le Sire *Thomas*
Cecil, filz & heritier de *My Lord Thresorier*: le
 Sire *Guillaume Hatton*, heritier de *My Lord Cha-*
celier: le Sire *Horatio Pallaucini*, Cheualier de
Gennes: Monsieur *Robert Carie*, filz de *My Lord*
Hunsdon: Sire *Charles Blunt*, frere de *My Lord*
Montioye. Mais il se parle sur tout de deux Gen-
 tilz hommes de la Cour, nommez *Thomas Ge-*
rard & Guillaume Haruie, lesquels pareillement
 se rendirent alors en l'armée, & lesquels m'estoi-
 ent auparauant incogneus, mais à present, ils
 sont en la bouche d'un chacun icy à l'entour de
Londres, avec grande louange. Ces deux prin-
 drēt le hazard en la barque d'un des nauires, d'e-
 scaler la grande Galeasse en laquelle estoit *Mon-*
cada, & y entrerent ieulement avec leurs espees:
 hazard auquel, selon le recit commun, on n'en
 remarque point de semblable, si on compare la
 haulteur de ceste grāde Galeasse avec vn si petit
 bateau. Mais encores, pour vous faire pleine-
 mēt cognoistre cōbien ardente estoit l'affection
 des Seigneurs & Gentilz-hommes de toutes
 sortes à n'espargner leurs vies en ce seruice, il se
 dict que le Comte d'*Oxford*, lequel est grād Sei-
 gneur & l'un des plus anciēs Comtes de ce Roi-

Monsieur Hen-
 ry Brook.
 Sir Thomas
 Cecil.

Sir Guillaume
 Hatton.

Sir Horatio
 Pallaucini.

M. Robert
 Carie.

Sir Charles
 Blunt.

M. Thomas
 Gerard.
 M. Guillaume
 Haruie.

Comte d'Ox-
 ford.

M. Robert
Cecil.

Lord Dudley.
Sir Walter
Ralegh.

M. Guillaume
Cecil.
M. Edouard
Darcy.
M. Arthur
Gorge.

Le Comte de
Huntington.

aume, se rendit aussi à la mer, pour combattre en l'armée de la Roine. Là se trouuerent aussi à mesme fin le secōd filz de *My Lord Thresorier*, appelé, selon qu'il m'en souuient, *Robert Cecil*. Arriuerent aussi au mesme temps à la mer, *My Lord Dudley*, vn ancien Baron du Roiaume, & le Sire *Walter Ralegh*, gentil-hōme de la chābre de la Roine, & en sa cōpagnie grād nōbre de ieune Noblesse, entre lesquels il me souuient des noms de l'heritier de Sire *Thomas Cecil* nommé *Guillaume Cecil*, *Edouard Darcy*, *Arthur Gorge* & aultres semblables : au denombrement de lesquels, ie ne pren pas grand plaisir, sinon pour vous monstrier combien grandement nous auons esté deceus, de nous forger pardeçà en nos esprits vn parti qui nous y fust fauorable : attendu que vous voiez que toutes sortes de personnes ont esté prestes tant par mer que par terre, à leurs propres charges, & sans attendre, ny commādemment ny entretenement, de hazarder leurs vies pour la defence de la Roine & du Roiaume.

Et quant aux forces du Comte de *Huntington*, Lieutenant general vers le Nord d'Angleterre, on tient qu'il a mis sus en la prouince d'*Tork* & voisinnes, communément ordonnées pour seruir contre l'Escoffe, vne armée du nombre de 40000. hommes de pied bien armez, & pres de dix mille cheuaux pour se rendre pres de luy, si quelque occasiō & apparence se presentoit d'enuahir le Roiaume de ce costé là, auquel sont
ioinctz

joinctz avec leur forces, trois Seigneurs du Nord, le *My Lord Scroop*, le *My Lord Darcy*, Lord Scroop.
Lord Darcy.
Lord Evers. & le *My Lord Evers*.

Il y a aussi plusieurs autres Seigneurs Lieutenans de provinces, lesquels entretiennent bon nombre de Caualerie : comme le Comte de *Kent* Lieutenant en *Bedford*, le *My Lord Hunsdon*, Comte de Rét.
Lord Hunsdon. Seigneur Châtelier Lieutenant en *Northfolk & Suffolk*, le *My Lord Cobham* Lieutenant en *Kent*, le *My Lord Gray* en *Buckingham*, le *My Lord North* en *Cambridge*, le *My Lord Chandos* en *Glocester*, le *My Lord Saint-Jean* en *Huntingto*, le *My Lord Buckhurst* en *Suffex*. Lord Cobham.
Lord Gray.
Lord North.
Lord Chandos.
Lord S. John.
Lord Buckhurst.

Ainsi donc par le recit particulier, duquel il n'est pas hors de propos que vous aiez cognoissance, vous aurez à obseruer la disposition de toute la Noblesse de ce pais en ce temps à resister à toute inuasion. Et si d'auenture vous veniez à reuisciter vostre Catalogue ordinaire de tous les grans Seigneurs de ce Roiaume, vous trouueriez qu'ils s'ot tous icy couche, excepté trois ieunes Côtés en bas aage, de *Rutland*, *Southampton* & *Bedford*, tous trois esseuez en ceste Religion peruerse. Et partant il ne nous reste à parler que du Côté d'*Arundel*, lequel est à present en la Tour, pour auoir attenté de s'enfuir hors de ce Roiaume à la sollicitation de celuy qui est maintenant le Cardinal *Allen*. Or combien qu'il peut estre bien affectonné à la Religion Catholique, toutesfois i'ay entendu de fort bon lieu, qu'il a

Offre du Roy
d'Escoſſe à la
Roine d'An-
glettere.

Compagnies de
cheual & de
pied fournies
par les Eueſ-
ques.

offert ſa vie pour la deſence de la Roine contre tout le monde. En oultre, quand bien on auroit peu faire eſtat d'auoir vn parti en ce Roiaume, (choſe du tout impoiſible, veu qu'il appert par les choſes recitées que la nobleſſe eſt du tout aſſeurée pour la Roine, & que toute la force du peuple tend là volontairement) en ce meſme temps a eſté offert à la Roine vn ſi grand parti pour venir à ſon ſeruiſſe & à la deſence du Roiaume, que de toute la Chreſtiété elle n'en pourroit auoir de plus puiſſant en tous reſpects, c'eſt-aſcauoir du Roy d'Escoſſe, lequel entendant l'entrepriſe d'enuahir ce Roiaume, enuoia vn Gentil-homme à la Roine (comme ſ'en ay eſté certioré) pour luy offrir toute ſa puiſſance en la deſence d'elle & de ſon Roiaume, & ſ'il luy eſtoit à gré, qu'il y viédroit en propre perſonne & defendroit ce Roiaume contre tous occupa- teurs, ſoit ſoubz pretexte de Religion, ou de quelque autre pretence que ce ſoit. Et par cela, vous pourrez veoir quel compte vous deuez faire des vaines promeſſes faites au nom de ce Roy. Et comme vous voyez que j'ay aſſez bon moyen d'auoir des intelligences des autres forces du Roiaume, ie vous puis bien encores aſſeurer que pour ceſte deſence, j'ay ouy & veu la liſte & le rolle d'vn grand nombre de Caua- lerie & Infanterie, que les Eueſques du Roiaume tiennent preſtes à leurs charges, avec la contributiō levée ſur le Clergé, leſquelles com-
pagnies

pagnies, tant de cheual que de pied, doivent estre conduictes par les Seigneurs & Gentilz-hommes à la nomination de la Roine, & veulent qu'on nomme toutes ces Bandes de ce vain titre, *Milites sacri*.

Venous maintenant au dernier point des principaux fondemens de nostre esperance conceüe, sur lequel ceste entreprinse d'inuasion estoit principalement bastie. C'est qu'il y auoit vne croiance certaine & generale, qu'il se trouueroit en ce Roiaume vn fort parti de Catholiques, pour assister les assailans contre la Roine, à la premiere veüe de l'armée d'Espagne. Or par mon discours precedent, touchant l'amour grand, ardent & vniuersel de tout le peuple enuers la Roine, & des grans offres de seruice n'agueres à elle faicts par toute la Noblesse du Roiaume: il peut apparoir que ce fondement est fort ruineux, posé & assis sur des imaginations pures, comme sur du sablon mouuant, ou plustost sur quelque vapeur s'esuanouissant en l'air. Si conste-il pour certain que le Roy d'Espagne & ses principaux ministres n'en faisoient pas peu de compte. Aussi ne se dict-il à present chose quelconque plus vniuersellement & d vne voix plus lamentable par toute la multitude des prisonniers Espagnols, voire par les principaux d'entre eux: qu'à present ils voient euidentement combien le Roy leur maistre a esté vilainement pippé par telles persuasions, ou plustost mes-

châment trahy. Car ils disent qu'il n'y a homme de valeur en toute ceste armée, auquel on n'eust constamment affermé & donné parole d'assurance pour tous ceux qui seruoient en cesté armée deuant qu'ils s'enbarquassent, qu'il ne leur falloit craindre aucune resistance pour faire descente en Angleterre: le Roy estant bien affermé qu'ils trouueroient vne armée puissante de Catholiques toute prestee en leur faueur, si tost que leur armée se verroit surgir en ces costes. Par ces propos ilz se disent auoir esté encouragés à ce voiage: aultrement, plusieurs d'entre eux iurent qu'ils n'eussent iamais mis le pied es nauires: discourans sur cela, que c'estoit contre toute apparence de raison d'enuahir vn Roiaume en esperance de le conquerir, sans aucun titre de droit & quelque fort parti tout ensemble, mais specialement sans vn bon & affermé parti. Eux donc trouuans maintenant ces promesses du tout fausses, plusieurs desdicts prisonniers vous maudissent nommément, comme estant Ambassadeur du Roy, entant, disent-ils, que sur l'opinion qu'on a eüe de la cognoissance que vous auiez acquise en Angleterre, vous vous estiez en ce fait acquis aussi plus de creance qu'aucun aultre, & auez par plusieurs années sollicité vostre maistre sur ceste esperance & autres semblables persuasions, de faire vne telle entreprise du tout à condamner par tout bon & sage discours, sans l'assurance

Qu'il n'est possible de conquerir vn Roiaume, sans faueur d'un parti au dedans.

l'assurance de ce dernier poinct, qui estoit d'auoir vn parti fort & assuré dans ce Roiaume. Vous les orriez aussi maudire les Anglois fugitifs de leur païs, qu'ils ne font pas difficulté d'appeller meschans traistres, d'auoir offert à vendre leur patrie au Pape & au Roy d'Espagne, adioustans quant & quant ces prisonniers, qu'ils estoient persuadez que l'entrée de ce païs estoit si ouuerte, si foible à toute resistance, & le peuple si miserable, qu'ilz n'y attendoient pas plus de difficulté à le conquerir, qu'il s'en trouua du commencement à veindre quelques pources Indiens tous nuds à la premiere conqueste qui en fut faicte par *le Roy Ferdinand*. Mais maintenant ces mesmes prisonniers aians esté amenez des costes de la mer iusques à *Londres*, là où ilz ont obserué la force du païs & du peuple, ils en parlent avec admiration, & l'estiment inuincible, aultrement que par la trahison de quelque grád parti dans les entrailles du Roiaume. Or ne scay-ie pas s'ilz mettent ordinairement en auant tels propos selon le sentiment qu'ils en ont, ou pour plaire aux Anglois desquels ils reçoient bon traitement, & lesquels par flatterie se laissent aisément surprendre: mais vne chose scay-ie bien que ces propos leur sont ordinaires avec toute demonstration d'estre merueilleusement passionnez contre ceux qui ont persuadé ce voyage à leur Roy. Plusieurs d'entre eux aussi qui sont hommes de bon iugement & qui ont ouy

Sir' Francois
Englefield.
Lord Paget.

Comte de
Westmerland.

Les tromperies
de Stukeley
enuers le Roy
d'Espagne & le
Pape.

parler de nos Anglois bannis lesquels ont esté en Espagne, là où aussi ils en ont cogneu quelques vns, (comme desia de long temps le *Sir' Francois Englefield*, & de n'aguères le *My Lord Paget* & son frere) se sont curieusement enquis de leur puissance & credit pour former vn parti en ce païs, s'informans aussi du *Comte de Westmerland*, duquel toutes fois ils recognoissent que c'estoit vn homme dissolu : mais nos aduersaires par deçà les ont mis si bas avec tout le reste des autres fugitifs, comme gens sans credit pour faire aucune leuée d'hommes sans l'auctorité de la Roine, lors mesme qu'ils estoient en leur meilleur estat, que les prisonniers s'estonnent comment ils peuuent deceuoir le Roy pour attraper pension de luy, sinon par charité à cause de la Religion. Bien confessent-ils auoir vne fois ouy en Espagne, comment le Roy fut pour vn bon coup trompé, lors qu'un certain *Thomas Stukeley* Anglois particulier s'enfuit d'*Irlande* en Espagne, à cause de ses debtes & autres mauuais deportemens, n'ayant pas la valeur d'un double, ses debtes estans payées, & estant second filz d'un bien simple Gentil-homme : lequel toutes fois on creut incontinct en Espagne, si tost qu'il se fut paré luy-mesme du titre, & vanté comme s'il eust esté vn Duc, vn Marquis & vn Comte d'*Irlande*. Et par ce moien fut long temps entretenu comme vn homme propre à faire grand seruice contre la Roine d'Angleterre, iusques

iufques à ce qu'à la longue le Roy defcouurit fa tromperie, & ainfi le bannit d'Efpagne; mais s'eftant retiré à Rome, il fut ainfi entretenu par le Pape pour vn temps, & iufques à ce qu'il fut defcouuert par quelques bons Catholiques, lefquels ne peurēt fouffrir que la fainteté du Pape fust fi lourdemet moquée, dequoy les prifonniers difcourans ioieufement, & comment l'Empereur *Charles*, puis ce Roy & le Pape ont efté fi dextrement vil'onnez par ce *Stukeley*, ils concluent fe gaudiffins, que quelques vngs des Anglois lefquels ont ainfi abuzé le Roy, fe font eftudiez d'enfuiure les pas de *Stukeley*. Et pour certain, d'aultres avec moy auons fouuent rougi de honte oians tant de contes du Roy & du Pape, voire de l'Empereur *Charles*, lefquels vn tel galand que *Stukeley* auoit peu fi apertement beffier. Eftant chofe d'autant plus eſtrange d'aucir ainfi abuzé le Roy Catholique, qu'au temps de fa refidence en Angleterre, ceſtuy-cy eſtoit cogneu de pluſieurs de ſon confeil pour vn vanteur, be- liſtre, ruffien, & pour la fin, vn pirate à l'encontre des Eſpagnols.

Maintenant, Monſeigneur, par ceſt ample diſcours de mauuais ſuccez en nos affaires, & ſuiuant l'opinion de ceux avec leſquels j'ay traicté de n'agueres, auſquels auſſi mon iugement ſe conforme ſans m'arreſter à des imaginations vaines: voſtre Seigneurie peult veoir en premier lieu noſtre calamité preſente & noſtre

estat miserable . Et puis pour le second point, l'estat de la Roine, du Roiaume & de s^{on} peuple, leur disposition & leurs forces du tout contraires à l'expectatiō du Pape, du Roy Catholique, & specialemēt de vous, Monseigneur, & de tous aultres qui auez eu entre mains par beaucoup d'années ceste negociation presente: tellement que ie ne puis deuiner quel desseing sera , ou pourroit estre imaginé & suiui, attendu que l'experience nous doibt auoir apprins , que nos affaires ne peuuent estre redressées par la force, & que nul changemēt n'y pourra apporter remede, quand mesme la Roine finiroit ses iours , comme tous Princes sont mortels. Car & la generalité du peuple par tout le Roiaume est si fermement & desesperément bandée contre nostre Religion, que rien ne pourroit preualoir contre la force de ceste vnion . Et quiconque succedera de droiēt à ceste Couronne apres la Roine (laquelle est en apparēce de viure aussi long temps qu'aucun aultre Roy Chrestien) si la Couronne vient au Roy d'Escoffe ou à quelque aultre du sang Royal , comme il y en a beaucoup dans ce Roiaume descendus de toutes les deux maisons Royales d'*York* & *Lancaster* , nous ne pouuons faire nostre compte sur cela: car chacun de ceux là qui sont aujourd'huy en vie , ont manifestement vne disposition autant resoluē de resister à l'auctorité du Pape, qu'aucun aultre des plus affectionnez Protestans ou heretiques du monde.

Nulla esperāce
pour l'auctorité
du Pape , par
aucun qui puisse
succeder en
la ligne Roiale.

de. Ainsi donc, pour ce temps, afin de cōclurre, toutes circonstances bien pezées, ie ne voy plus d'aultre moyen, que de remettre la cause es mains du Dieu tout-puissant, & de tous les Saintz de Paradis avec nos humbles supplications: & quant à la terre, d'auoir recours aux saintz conseils du Pape & de ses Cardinaulx, les supplians humblement de soulager nos pources freres affligez, & d'enuoier en ce Roiaume des hommes prudens, saintz & doctes, lesquels sans se meller des affaires d'Estat, puissent en secret confermer nostre foy par leur doctrine, & par charitable instruction en gagner d'aultres lesquels ne sont pas enracinez en l'heresie. Et pour le soulagement de ceux lesquels sont forcez de paier par an quelque somme d'argent de leur reuenü annuel, pource qu'ils ne veulent venir à l'Eglise, ce seroit vne consideration charitable, si pour quelque peu d'années il ne se pourroit point obtenir quelque dispense de la Saincteté par souffrance, à ce qu'on puisse se trouuer aux Eglises sans changement de foy, considéré qu'un grand nombre ne s'ahurte point à cela pour aucune chose qu'ils remarquēt esdictes Eglises directement contraire à la loy de Dieu: mais pource qu'encores que le seruice & les prieres soient recueillies du corps des Escritures, ils ne sont pas toutesfois approuuées de l'Eglise Catholique & de sō chef, qui est la Saincteté du Pape: qui est la cause pourquoy

Conclusion de
ce qui seroit le
meilleur, pour
maintenir la
Religion Ca-
tholique en
Angleterre.

Toleration du
Pape pour ceux
qu'on appelle
Recusans en
Angleterre.

tous les vrais Catholiques condamnent iustement ceste Eglise comme schismatique.

Mais par ceste souffrance, vn grand nombre de ceux qui seront perpetuellement Catholiques, pourroient iouir de leurs reuenus & libertez, & par la bonté de Dieu, la Religion Chrestienne pourroit avec plus de seureté prendre accroissement à la gloire de Dieu, qu'elle ne pourra iamais faire par puissance quelconque. C'est ainsi que la Religion Chrestienne a par tout commecé & qu'elle s'est espandue par tout le monde, non par force, mais seulement par la doctrine & l'exemple de sainteté des Prescheurs, nonobstant toutes les forces humaines. Ainsi donc ie finiray mes longues lettres avec ceste sentéce repetée quatre fois par *David* en vn mesme Pseume, *Et clamauerūt ad Dominum in tribulatione eorū, & de angustia eorum liberauit eos.* Que pleust à Dieu que nous peussions asseoir sur cela le fondement de nostre esperance, car toutes aultres esperances sont vaines & frustratoires.

A Londres, ce

d'Aoust

1588.

A Pres auoir paracheué d'écrire ceste lettre, laquelle considerant, ie trouue plus longue que ie ne voudrois (encore que la diuersité des subiectz m'ait tiré plus auant que ie ne pensois) & aiant fait choix d'un mien familier amy, mieux versé en la langue François que ie ne suis pour la traduire en François: le malheur a esté que n'ayant encores que commencé à mettre la main à l'oeuvre, il est tombé malade d'une fièvre continuelle, par laquelle occasion & esperant sa convalescence, ceste lettre est demeurée entre ses mains quelque dix ou douze iours. Mais n'ayant aucun espoir de sa guérison, i'ay tant fait avec un aultre tres-fidelle & assuré Catholique aiant parfaite cognoissance de la langue François, qu'il a entrepris de la traduire: en quoy aussi il y a eue beaucoup de temps employé, de sorte que la lettre estant écrite à la my-Aoust, j'ay esté contrainct de la paracheuer en ce mois de Septébre. Sur quoy i'ay trouué bon (pendant qu'on a esté apres à la traduire) d'adiouster quelques aultres choses aduenues depuis, & venues à ma cognoissance.

Enuiron le 7. d'Aoust passé, Monsieur l'Admiral retourna de sa flotte, aiant poursuui l'armée d'Espagne (à ce qu'on disoit) iusques au 55. degré du Nord; celle d'Espagne print la route vers les extrémitez de *Norwege*, ou vers les *Orcades* au delà de l'Escoffe. Que si cela eut esté vray, on estimoit icy, qu'ilz passeroient à l'en-

Cômandement
du Roy d'Es-
cosse en faueur
des Anglois.

tour d'Escoce & d'Irlande: mais s'ilz tenoient la route de *Norwege*, lors il pourroit bien estre; en cas qu'ilz peussent recourir des mastz, dont par la flotte Angloise ilz auoient fait grande perte, qu'ilz pourroient retourner pardeçà. Mais quât à moy, ie leur ay souhaité plustost vn vent propice pour s'en retourner par Irlande, étant pour plusieurs raisons en desespoir de leur retour, tant à cause de plusieurs choses dont ilz ne se pouuoient fournir en *Norwege*, que pour ce que le Duc de *Parme* à faulte de matelotz, n'auoit moien de mettre en mer ses forces. Toutefois sur vn aduertissement d'Escoce qu'ilz estoient passez au delà des *Orcales*, & que le Roy d'Escoce auoit donné estroitement en charge par toutes les costes de la mer, qu'on ne souffrist les Espagnols descendre en aucune part; ains au contraire, que les Anglois non seulement y pourroient descendre, mais aussi estre aidez de toutes choses necessaires dont ilz pourroient auoir besoing. Sur cest aduertissement, di-ie, toute l'armée fut cassée, excepté toutesfois quelque vingt nauires, lesquels estoient sous la charge de *My Lord Henry Seymour*, lesquels furent continuez en la mer, pour prendre garde aux desseings du Duc de *Parme* & veoir s'il entreprendroit quelque chose contre l'Angleterre (ce qui n'estoit vray-semblable) ou de la *Zelande*, ce qu'on commençoit à doubter, pendant qu'on estoit ainsi embelogné. Deux ou trois iours

iours apres le bruit vint soudainnement à la Cour, que la Flotte d'Espagne s'estoit rafraischie *aux Isles de delà les Orcades* d'eau abondamment, & de pain, poisson, & chair pour de l'argent, & qu'ilz retourneroient de decà, pour attendre encores yne aultre fois l'armée du Duc de *Parme*, & la conduire par mer en Angleterre. Surquoy il y eut vne aultre alarme, de laquelle ie scay bien que la Roine mesme & son Conseil n'estoit pas en petite perplexité. Mais à la fin on dōna ordre d'arrester la Flotte, & de ne la defarmer point, si qu'elle fut bien tost remise sus, seulement à l'occasion de ces bruits: dont i'auois avec plusieurs aultres quelque contentement, pour les veoir ainsi troublez, & sur chaque rapport leger, estre mis en grans despens. Mais ce plaisir ne dura pas plus de huiēt ou dix iours, pource que deux ou trois Pattaches qu'on auoit enuoyées expressement pour descourir la Flotte d'Espagne, leur apporterent nouuelles certaines qu'elle estoit au delà des *Orcades*, faisant voile vers l'Occident en bien mauuais poinēt, & que beaucoup de leur gens estoient morts en ces quartiers du Nord, & le reste en grāde extremité à faulte de mastz & de mattelotz. Et sur ce, l'armée fut par nouuelle ordonnance rompue, fors ceux qui auoient auparauant esté commandés de prendre garde aux desseings du Duc de *Parme*. Et ainsi Monseigneur l'Admiral accompagné des *My Lordes Thomas Hawvard, Henry*

Horribles
bruitz con-
tre les Espa-
gnols.

Rapport des
cruautez bar-
bares que pre-
tendoient ex-
ercer les Es-
pagnols par
licols, fers gra-
uez & aultres
moiens.

Seymour & Sheffid, le Sir' *François Drak*, & tous les Capitaines (fors ceux qui auoient charge aux nauires lesquelles estoient sous la charge de *My Lord Henry* pour veiller sur le Duc de *Parme*) retournerent à la Cour. Et sur ce retour de ces gēs de mer à la ville de *Londres*, il a couru de si horribles bruitz, afin d'émouvoir les Seigneurs, Gentilz hommes, Dames, Damoiselles & la populace de toutes sortes à vne haine mortelle contre les Espagnols, que les pources Espagnols prisonniers auoient grand peur d'estre massacrez : d'autant qu'on auoit publié, & le monde pour la pluspart le croioit, que les Seigneurs Espagnols de la Flotte, auoient fait partage par entre eux des maisons des Seigneurs d'Angleterre, qu'ils nommoient par leurs noms propres, & qu'ilz auoient comme diuisé l'Angleterre par portions pour eux mesmes, & destiné tant à la Noblesse qu'au peuple, plusieurs sortes de morts cruelles : & que les Dames & femmes, & filles deuoient estre exposées à toute villenie : les maisons des Marchantz les plus riches de *Londres*, enregistrees par nom, & données aux Capitaines des bandes de la flotte Espagnolle, pour despouille. Et pour encore plus exasperer leur haine, on auoit fait publier qu'ils auoient apporté en leurs nauires vn grand nombre de licolz pour en estrangler le commun peuple, & des fers grauez, lesquels estans chauffez, les enfans au dessous l'age de sept ans en seroient

seroient marquez, afin qu'on les recogneust à
 iamaïs pour enfans du païs conquis. Tels &
 semblables estoient les rapports, que ces gens de
 mer faisoient, comme les aians entenduz des Es-
 pagnols mesmes: de sorte que pour vn temps il
 y auoit vn grand mescontentement parmy le
 peuple de ce qu'on les permettoit viure, & cri-
 oient qu'ils deuoient estre tuez, comme leur in-
 tention estoit d'en faire aux Anglois. Mais les
 plus aduisez, & ceulx qui auoient la charge des
 prisonniers, n'aïans aucun tel commandement
 du Conseil, les gardoient seurement, comme
 chose qui ne deuoit estre permise. Et afin de
 donner contentement au peuple par quelque
 aultre subiect, & à la requeste du *my Lord Maire*
 & de ses compagnons Senateurs de la ville de
Londres, Dimanche dernier il y eut vn grand
 nombre de Banderolles, Enseignes, & Bânières
 qu'on auoit gaignées sur les Espagnols, portées
 au cemetiere de S. Paul, & là publiquement mon-
 strées au peuple durât le presche, au grand con-
 tentement & resiouissance d'iceluy. Delà on les
 fit apporter à la Croix en *Chepsyd*, & delà au
 pont de *Londres*, qui fut cause d'addoucir la fu-
 reur du peuple, & de la changer en triumphe, se
 vantâs par tout que c'estoit l'œuvre de Dieu qui
 auoit ouy les prieres du peuple, & auoit prins
 plaisir en leur precedentes prieres & ieusnes, en
 faisant que ces enseignes & Banderolles que les
 Espagnols auoient delibéré d'apporter & plan-

Bâderolles, En-
 seignes, & Ban-
 nières des Es-
 pagnols mon-
 strées au peuple

Continuelles
prieres à Dieu.

Action de gra-
ces.

ter par tous les endroicts de la ville pour Trophées & marques de leur triumphes, estoient par la prouidence & bonté de Dieu & pour la punition de l'orgueil de l'Espagnol, maintenant plantées par les Anglois, comme des monumens de leur victoires, & de la perpetuelle ignominie des Espagnols. Sur ces remonstrances grâde resiouissance s'ensuiuit : & comme au mois de Iuin & Iuillet dernier, toutes les Eglises estoient remplies de peuple s'exercans en prieres & demonstrations de penitence, faisant leurs prieres à Dieu pour leur defence contre leurs ennemis : & en plusieurs Eglises, par trois fois la sepmaine des continuelles prieres, presches & icusnes, tout le lōg du iour depuis le matin iusques au soir, avec vne grand' admiration de veoir vne telle & si contrinuelle deuotion, laquelle toutesfois moy & quelques aultres iugeames plustost proceder de peur que de deuotion : aussi maintenant depuis que la flotte Angloise est de retour, & celle d'Espagne defaictē, & qu'on a entendu des differentz en *Flandres*, des debatz entre les Espagnols & les aultres foldatz, du mespris du Duc de *Parme* par les Espagnols, incitez, à ce qu'on diēt, par le Duc fils bastart du Roy Catholique, & le departement & fuite des matelotz dudiēt Duc de *Par-me* : il y a icy semblable recours par le peuple aux Eglises, & aux presches, esquels il est enseigné de recognoistre Dieu, auquel de sa bonté
il a

il a pleu deliurer cē païs menacé de cōqueste , &
pareillemēt aux prieres publiques pour en ren-
dre graces à Dieu. *A Londres, ce*

de Septembre.

1588.



L'Imprimeur au Lecteur.

CEst hors de doubte que ny le premier escriuain
des lettres à present par moy Imprimées , ny
l'Espagnol Dom Bernardin auquel elles estoient
adressées , n'oient pas volontiers parler d'aucun
bon succès concernant l'estat de ce Roiaume d'An-
gleterre . Cela est tout manifeste pour le regard de
cest escriuain , en ce que ce n'est qu'à regret qu'il
faict quelque bon recit de l'Angleterre , & entant
que la neceßité luy en arrache quelque confession.
Cela n'est pas moins euident en Dom Bernardin,
lequel a esté si impudent , ou du moins si temeraire-
ment auengle , que de semer fausses nouvelles par
liures Imprimez tant en François & Italien qu'en
Espagnol , touchant la victoire obtenue par les Es-
pagnols , lors qu'elle estoit notable de la part de
l'Angleterre . & que les Espagnols auoient esté vain-
cus & chassez . Toutesfois cependant que c'estois oc-
cupé en ceste Impressiō , assez long temps apres que
ces lettres furent enuiées en France : on a eue cer-
taine cognoissance en ceste ville de Lōdres , à nostre
grande resiouissance , de diuers heureux accidens

touchant la diminution de ceste tant grande & renommée Armade de nos ennemis mortels, laquelle enuiron le dernier de Iuillet fut transportée de nostre mer iusques aux extremités Septentrionales de l'Escoffe: ce que ie n'ay pas estimé hors de propos de cōioindre à ceste lettre de Dom Bernardin, afin que cy apres il se donne vne bride pour ne courir pas si tost: & qu'il ne permette plus à un certain Capella, qui luy sert de trompette ordinaire pour publier ses nouuelles, de paier le mode de mensonges au lieu de veritez. Or voicy quelles en sont les particularitez: Ceste armée fut poussée par la tempeste delà les Orcades enuiron le premier iour d'Aoust, il y a maintenāt plus de six sepmaines, ce qui est par delà le 60. degré vers le Nord: region peu accoustumée à ces ieunes mignons d'Espagne qui n'ont iamais tasté que c'est que de tempestes sur la mer, ou de la froidure de l'air au mois d'Aoust. Qui fut cause qu'à l'entour de ces Isles Septentrionales, leurs matelots & soldats moururent par monceaux: dequoy leurs corps sont venus témoigner vers les costes de la terre. Vingt iours & plus apres, aians là consumé tout ce temps en grandes miseres, & aians desir de retourner en leur païs, ilz firent voile au large vers le Sur-Quest pour gagner l'Espagne. Mais le Dieu tout-puissant, lequel tousiours prend en main la cause de son peuple affligé esperant en sa bonté, & atterre ses ennemis superbes lesquels se veulent esleuer iusqu'au Ciel, excita des vents si violens & contraires con-

tre l'orgueil de ces grādes, & terribles Armades, que bon grē mal grē elles furent dispersées en ceste pleine mer, vers l'Ouest d'Irlande, & par ce moien grand nombre de vaisseaux furent poussez contre plusieurs dangereuses Rades & Rochers, le long de la coste de l'Ouest & du Nord d'Irlāde, en plusieurs endroiets à la distance de cinquante lieües les vns des aultres, aucuns enfoncez, aultres rompus & quelques vns iettez sur les bās. Comme du costé du Nord de l'Irlande vers l'Escoffe, entre les deux riuieres de Loughfoile & Loughsoully il y en eut neuf qui furēt poussees es costes, & pour la plusspart rompues, & les Espagnols contrainctz de prendre terre & venir mendier secours entre les sauuages & barbares Irlādois. D'aultre part en vne Rade appelée Calbeggy, distant delà de dix lieües vers le Sur-Ouest, trois nauires furent aussi iettez sur les Rochers. En vn' oultre Rade appelée le Borreis vers le Su, distāt d'environ dix lieües de Galloucy vers le Nord, & appartenāt au Comte d'Ormōd, y eut aussi vn des principaux & plus grāds Nauires, du port de mille tōneaux, & fourni de 50. pieces de fonte avec quatre gros Canons enfoncē, & ensemble tous ceux qui estoient dedans noiez, seize seulement exceptez, lesquels par leurs accoustremens semblent bien estre personages de qualité, selon l'aduerrissement qu'on en a eu d'Irlande.

En oultre, en tirant vers le Su, deux ou trois aultres vaisseaux sont peris, quinze lieües au dessus de la coste de Thomond, au Nord de la riuere du

Shenin : desquels l'un fut bruslé par les Espagnols
mesmes & poussé sur le sable, l'autre estoit celuy de
S. Sebastien, auquel y auoit 300. hommes, qui tous
aussi furent noiez, excepté soixante. Le troisieme
avec toute sa charge fut ietté en un lieu appellé
Breckan. En un' aultre place deuant la maison du
Sire Tirlogh Obrines, il y eut aussi un aultre grād
nauiue perdu qu'on estime auoir esté vne Galeasse.
Or selon l'aduertissement donné de diuers en-
droicts d'Irlande, les pertes cy dessus mentionnées
sont aduenues, du cinq au dixiesme de Septembre:
tellement que tout bien compté, depuis le vingt &
vnieme de Iuillet, lors que l'armée d'Espagne fut
premierement batue par celle d'Angleterre, iusques
au dixiesme de Septembre, qui est l'espace de sept
semaines & plus, il est bien vrai semblable que
ladicte Armée n'a eu ny bon iour ny bonne nuit.

Et quant au reste des nauires de l'armée, on a
aussy rapporté qu'on en a veu plusieurs esparses ça
& là sur les costes d'Irlande & tellement agitées
du vent, qu'on pense bien qu'un grand nombre
d'icelles se rendront difficilement en Espagne, si
tant est qu'elles soient ainsi affoiblies par faute de
viures & de matelots, cōme aucuns de leur com-
pagnie qui sont restez en terre, en font de misera-
bles complaints.

Or ay-ie trouué bon d'adiouster le recit de ces
accidens à la Copie des lettres à Dom Bernardin,
afin qu'il puisse ouurir les yeux pour veoir combien
Dieu a favorisé la iuste cause de nostre gracieuse
Roine

*Roine & Princesse . Mais le Dieu tout puissant
a monstré sa fureur contre les superbes vanteries
des ennemis de la paix Chrestienne . Comme tous
le monde depuis Rome , iusques aux dernieres par-
ties de la Chrestienté , a peu veoir comment la
Roine , avec son Roiaume , faisans profession de l'E-
uangile de son Filz nostre Seigneur Iesus Christ,
sont gardez & defendus (selon les paroles du Pse-
aume) sous l'ombre de ses ailles , de deuât la face
des meschans qui cerchoient de l'affliger , & l'en-
uironnoient pour luy raurir son ame . Ce qu'estant
recogneu par sa Maiesié & par tout son Roiaume
avec actions de graces , ie ne fay doubte qu'il ne
leur continue la mesme grace & protection
pour iamais , à la gloire de son nom .*

*Le 20 . de Septembre.
1588.*

*en la Angl. de l'Es-
g. de l'Es.*



[The page contains extremely faint, illegible text, likely bleed-through from the reverse side.]

02-01-01

123



DEPVIS L'IMPRESSION DE CESTE DERNIERE fueille, on m'a apporté vn aduertissement par escrit de la Cour, de fort bon lieu: où il y a quelques particularitez plus expressees qu'au precedent, enuoiées d'Irlande le xvij. de ce Mois pour confirmation des choses susdictes, avec grande verisimilitude de pareils accidens qui pourront estre suruenus, pour la grâde tempeste qui a esté le mesme iour xvij. & le xviii. du present Mois de Septembre.

LE Samedi vij. de Septembre, le vaisseau qui estoit en peril de naufrage à la Rade de Troily, du port de quarante à cinquante tonneaux, s'est venu redre de soy-mesme, auquel il y auoit vingt & quatre hommes & entre ceux-là, deux seruiteurs domestiques du Duc & deux petits garçons.

1.
Le 7. de Sept.

Le Mardi x. du mesme Mois de Septembre, il y eut une Fregate mise hors, selon qu'il semble par ceste Armade, laquelle le Sire Guillaume Herbert dict estre perie es costes de Desmond.

Ce mesme iour de Mardy, il perit au courant des Blekeys vn nauire appellé nostre Dame de la Roze, du port de mille tonneaux. En ce nauire fut noyé le Prince d'Ascule, bastard du Roy, Dom Petro, Dom Diego, & Dom Francisco, avec sept aultres gentilz-hommes de marque de la compagnie du Prince. Là aussi fut noyé Michel Oquedo, homme tres-expert en la marine, lequel commandoit en chef audict nauire: Villa Franca de S. Sebastien, Capitaine du dict nauire: Matuta, Capitaine de l'Infanterie dudit nauire, le Capitaine Suwares Portugais, Garrionero, Lopeche de la Vega, Montenele & vn François Castelliani Ca-

3.
C'est vne place proche de Smere-wik la ou les Espagnols furent defaictz par le My Lord Gray.

Michel Oquedo estoit general d'un squadron des 15. nauires de Guipousque.

500. noiez &
entre iceux
100. gentilz-
hommes & de
tous qu'un seul
sauué

pitaines, un Iean Rise Irlandois, & François Roch
Irlandois avec enuiron 500. hommes, entre lesquels
y auoit quelques 100. gentilz-hommes, mais non
pas de telle estoffe que les premiers. Et n'y en eut
qu'un seul de tout ce nombre sauué, qui estoit de
Gennes, nommé Iean Antonio de Monona filz
du Pilote de ce nauire.

4.

Le mesme iour de Mardy, le Lieutenant du
Gouverneur de Moüster receut un aduertissement
que vers la coste de Thomond. Il s'estoit perdu
deux grās nauires & en iceux noiez enuiron 700.
personnes, oultre 150. qui ont esté prins prison-
niers.

700. noiez &
150. prisonni-
ers.

5.

Il appert aussi par une lettre escrite à Estienne
le Blanc de Limmerik en datte du xij. de Septem-
bre, qu'enuiron ce mesme iour de Mardy, fut ietté
sur les sables de Ballicrahihy un nauire de 900.
tonneaux duquel nauire xiiij. gentilz-hommes ont
esté prins selon qu'il escrit. Et que le reste de ce na-
uire estant d'enuiron 400. hommes en grande de-
stresse, se mettent en deuoir de se retrencher pour
leur defence.

Baillicrahihy

13. hommes
prins 400. re-
trenchez.

6.

Il escrit pareillemēt d'un aultre nauire lequel
a esté ietté en l'Isle Clerc en Irriſe & que 78. hom-
mes dudit nauire ont esté noiez ou tuez.

78. noiez ou
tuez.

7.

En oultre il escrit qu'il y eut au mesme temps
un aultre grand nauire ietté en Tireawley, &
que là il y auoit trois Seigneurs, un Euesque, un
Moine & 69. aultres hommes, prins par Guil-
laume Boork de Ardenric & que tout le residu

69. prins.

de ceux de ce nauire ont esté tuez ou noiez tellement que selon qu'il escrit Melaghlen Mac Cabb vn Galloglasle, qui vault autant en leur langue qu'un halbardier Irlandois, en tua 80. avec sa hache d'armes.

Melaghlen
Mac Cabb
en a tua 80.

Le Mercredi xi. de ce mesme Mois de Septembre, sept des nauires lesquels auoient seiourné dans la riuere du Shenan, partirent de ceste rade avec vn vent d'Est & deuant que de partir mirent en feu vn aultre fort grand nauire de leur flotte, lequel estoit de mille tonneaux pour le moins.

Vn nauire d'Espagne de 1000. tonneaux brulé par les Espagnols.

Auis a esté donné par le Lieutenant de Cork que ce 17. dernier de Septembre deux aultres grâs nauires de ceste flotte auroient esté perdus vers les costes de Connaught.

9.
Deux aultres nauires perdus

L'admiral appellé Iean Martin de Ricalde vint dans le golphe de Bleskeys avec vn grand nauire & vne barque, enuiron le vi. iour de Septembre & a seiourné là, avec vn aultre nauire de 400. tonneaux & vne barque, lesquelles y arriuerent depuis: si ce n'est qu'ils ayent esté dissipez ou perdus par ceste grande tempeste laquelle a esté le xvij. & xvij. de ce Mois. Car tel estoit l'estat de c'est Admiral à son arriuée. Son nauire auoit esté percé d'oultré en oultré xiiij. ou xv. fois: & son moindre mast tellement offensé qu'il n'ozoit porter ces pleins voiles, & ny reste pas dedâs 60. mariniers, & encores si mal en point, que plusieurs d'entre-eux sont du tout abatus de maladie & le reste si foible qu'ils estoient incapables

10.

de faire aucun bon service n'y ayant iour qu'il ne s'en iettast hors du bord, cinq ou six de leur compagnie.

ESTANS PARVENVS IVS QVES
icy en ceste Impression, selon que chaque iour apporte plus de certaineté & de particularitez de la perte des Espagnols en Irlande, on en a receu les Aduertissemens suiuaus, qui sont les Examinations & depositions de quelques vngs qui se sont là saueez & y sont prisonniers.

Iean Antonio de Monona Italien, filz de Francisque de Monona, Pilote du nauire appelé Sainte Marie de la Roze, du port de mille tonneaux & ietté au Golphe de Blafkey.

Examination
faicte l'onzième
de Septembre.

Examiné l'onzième iour de Septembre, dict
que luy & le reste de l'armée delaisserent la
flotte Angloise (selon qu'il estime) vers la coste
de l'Escole. Et que pour lors il leur defailloit de
leur Armade complete, quatre Galeres, sept na-
uires & l'Admirale des Galeasses: Et que lors il
leur estoit mort tant par combat que par maladie
huiet mille hommes pour le moins. Qu'il ne sçait
là où il a laissé le Duc: mais que depuis ce temps-
là, il a esté xviij. iours es parties du Nord sans
veoir aucune terre, & pourtant ne peult nommer
aucune

Huiet mille Es-
pagnols perdus
par combat ou
par maladie.

aucune place : mais qu'après estans escartez par la tempeste , le Duc garda tousiours sa route en pleine mer, & eux cherchans terre , tirerent vers le Cap de Clere, comme aussi firent plusieurs autres nauires, au nombre (comme il estime) de xl. avec le Duc s'en allerent xxv. nauires.

Qu'il est icy arriué circuiſſant l'Eſcoſſe, estimât que le Duc est à present bien pres de l'Eſpagne. Que le desſeing du Duc, après auoir mouillé l'anchre deuant Calais, estoit d'aller en Flandres : mais qu'à cause du vent contraire & de la basse eue, il n'y pouuoit pas aborder pour la grãdeur de ses nauires.

Oultre les nauires susdicts il se souuient que deux autres furent enfoncés és costes de l'Eſcoſſe pour le dommage qu'ils auoient receu par les coups de l'Armée Angloise. L'un appellé de Saint Mathieu, du port de 500. tōneaux, là ou furent noyez 450. hommes : l'autre nauire estoit Biscaïn, de Saint Sebastien, de 400. tonneaux, là ou aussi furent noyez 350. hommes.

Deux nauires
coulez a fond

Et quant au nauire auquel luy estoit, appelé Sainte Marie de la Rose, de 1000. tonneaux de port, de 500. hommes, qui y estoient, il n'en est échappé que luy seul. En ce nauire, entre les principaux, furent noiez ceux qui ensuiuent. Le Prince d'Ascule filz bastard du Roy d'Eſpagne, le Capitaine Matura, le Capitaine Conuale Portugais, Lopecho de la Vega de Castille, Guarionero de Castille, Montanele de Castille, Villa Franca de Saint Sebastien, Capitaine dudict nauire : le Gene-

Vn nauire de
1000. tonneaux
coulé avec 500
hommes.

Le filz bastard
du Roy noyé a-
vec autres per-
sonnes de qua-
lité.

val de toute la Flotte de Guipousque, nommé Dom Michel d'Oquendo, avec aultres xx. Cheualiers qu'ils appellent Aduenturiers, pource qu'ils estoient a leurs propres charges.

Diët aussi que leur armée estoit en grand default d'eau fresche: & estant enquis qu'elle prouiso de vin & d'aultres choses necessaires, il y auoit au vaisseau qui auoit esté ietté illec, diët qu'il y auoit cinquante grosses pieces de fonte tous Canons de batterie, avec xxv. aultres pieces, en partie de fonte, en partie de fer, appartenans au nauire. Qu'il y auoit aussi 50. tonneaux de vin sec. En argent, quinze mille Ducats: & en or, tout autant: mais beaucoup plus de richesse en habillemens, plats & coupes d'or.

Cinquante Canons, & vingt & cinq aultres pieces: Cinquante tonneaux de vin, & trente mill Ducats, en or & en argent perdus.

Diët en oultre que le Duc de Medine auoit donné commandement a toute leur flotte, de faire sa retraite à la Crongne, & qu'à peine de la vie, nul n'eust a se departir delà, qu'il n'eust entendu plus a plein sa volonté.

La deposition de Emanuel Fremola Portugais,
du 12. Septemb. 1558.

Diët, qu'il estoit au nauire appelle S. Iean de Port de Portugal, de la charge d'onze cens tonneaux, auquel estoit Dom Iean Martin de Ricalde Admiral de toute la Flotte soubz le Duc, qui est General de toute l'armée: auquel nauire quand ils partirent, il y auoit 800. soldats, & de mariniers, 60. Portugais, & 40. Biscains: C'estoit le plus grand

grand de toute l'Armée.

Ils estoient en tout, selon qu'il dict, lors qu'il partirent, 135. voiles, & de ce nombre, y auoit quatre Galeasses, quatre Galeres, & neuf ayans charge de la prouision des viures. Ils partirent de la Crongne quinze iours apres la S. Jean dernière selon leur compte.

Dict, qu'ils estoient enuoyez au Duc de Parme, pour estre par luy employez en Angleterre au temps qu'il voudroit ordonner.

Enuiron huit iours apres leur débarquement de de la Crongne, il dict que toute leur flotte arriva au Lizard, qui est un Cap en Cornuaille.

Quinze homes
perdus au combat
deuant le
Lizard.

Dict aussi, qu'environ ce lieu là le General baissa les voiles, & qu'eux sur cela, les baissèrent toute la nuit: Que le lendemain au matin ils virent la Flotte Angloise, & alors ils haussèrent les voiles.

Perte d'autres
25. homes au
même nauire.

Dict, qu'ils estoient au parauant informez que la Flotte Angloise estoit dans Plemouth & Dartmouth.

Dict en oultre, que le premier combat entre les Flottes commença vers le Nord-Est du Lizard: Et qu'en ce combat, leur nauire perdit 25. homes.

Dict, que là il y eut un autre combat par quatre ou cinq iours le long de la coste, & qu'en iceluy le nauire auquel luy déposant estoit, fit perte de vingt & cinq homes: Quant à la perte que firent les autres nauires en ce combat, il ne le peult dire: mais ils y perdirent deux nauires, en l'un desquels estoit Dom Pedro, l'autre fut bruslé.

Deux nauires
perdus.

Ils mirent l'anchre à Calais attédans le Dug de Parme, là ou par quelques nauires embrazées ils furent contrainctz par les Anglois de laisser les anchres, & de se departir: de façon que chaque nauire fit perte de deux Anchres en ce lieu là.

Le lendemain cōmença le combat sur les 8. heures du matin: lequel cōtinua huiët heures, tout le long du canal vers le Nord, la Flotte Angloise poursuuant tout ce temps celle d'Espagne: en telle sorte, que s'ils se fussent presentez pour ioindre à bord la Flotte Espagnole, ils voioiët leur General si frappé d'estonnement, qu'à son aduis, il eust rendu toute l'armée.

*Vne Galeasse
serré sur les sa-
bles.
Deux Gallions
et deux autres
nauires enfon-
cez.*

Diët, qu'en ce combat la Flotte Espagnole perdit vne Galeasse, laquelle fut portée sur les bans pres de Calais, deux Gallions de Lisbonne appartenans au Roy, vn nauire Biscain, de quatre à cinq cës tonneaux fut là aussi enfoncé, cōme pareillemēt vn autre nauire: apres lequel combat le General fist reueuë de l'armée, & trouua qu'il y auoit enuiron six vingtz voiles de reste de toute l'armée, selon le rapport de ceux qui venoient des hunnes: mais selon que luy en pouuoit iuger, il ne peut veoir alors plus de 85. voiles ou là enuiron: Ce qu'estoit deuenü le reste, il ne scait.

*Trois nauires
Veneriens fort
offencées du
Canon.*

Diët d'auantage, qu'en ce combat il y eut trois grans vaisseaux Veneriens en danger de s'enfoncer en mer, estans fort offencez & percez tout oultre en beaucoup d'endroiets: mais pour lors ilz furent secourus par les Charpentiers, toutesfois selon qu'il

qu'il a peu entendre, pource qu'ils n'estoient pas en point de pouoir garder la mer, ilz prindrent la route de Flandres : ce qui en est aduenu, il ne le peut dire.

Il adionste qu'ils furent poursuisnis par aucuns de la Flotte Angloise, enuiron cinq iours apres le combat, vers le Nord hors de la veüe de toute terre, & ce, comme il estime, vers la partie du Nord de l'Escoffe.

Et dict, qu'enuiron quatre iours apres que l'armée d'Angleterre les eut laissez, tout le reste de l'armée estant d'enuiron six vingtz voiles, comme dict a esté, vint a vne Isle, à son aduis, vers le Nord d'Escoffe, là où ils ne seiournerent point, & n'y eurent aucun rafraeschissement : mais en ce lieu, le General rassembla toutes les nauires ensemble, leur donnant charge de se rendre en la plus grande diligence qui leur seroit possible, au premier haure ou de l'Espagne, ou de Portugal qu'ils pourroient, pour la grande destresse en laquelle ils estoient reduictz par faulte de viures & autrement, disant qu'ils en estoient venus d'autant plus mal fournis, qu'ilz auoient attente d'en estre aidez plus amplement par le Duc de Parme. Au reste il adionste, qu'en ce nauire ilz mouroient par chacun iour quatre ou cinq de faim & de soif : & toutesfois que ce nauire estoit vn des mieux fournis de victuailles, ce qu'il sçait, pource que des autres nauires ilz venoient pour estre soulagez par cestui-cy.

Après cela, par l'espace de dix iours toute la

Flotte conioincte ensemble, garda tousiours vne
mesme route le mieux qu'il leur estoit possible
vers l'Espagne. Auquel tēps, qui estoit il y a vingt
iours ou plus passez, il dict, qu'ilz furent espars &
dissipez par vne grande tempeste laquelle dura de-
puis quatre heures du soir iusques au lendemain à
dix heures du matin. Par laquelle tempeste l'Ad-
miral se departit avec vingt & sept voiles, & en-
tre iceux, qu'il y auoit vne Galeasse, avec vingt &
huit forceres de chaque costé: Ce qui est deuenu le
reste de l'armée, il ne sçait.

Dict aussi, qu'il y a dix iours passez ou enuiron,
ilz eurent vne aultre grande tempeste avec du
brouillard: par laquelle tempeste, ilz furent dere-
chef escartez tellement que de ces xxvij. voiles
ne sont venues en ces costes pres Dingle Culhe
sinon l'Admirale, un autre nauire de 409. tonne-
aux & vne barque d'enuiron 40. ce qui est deue-
nu le reste desdicts xxvij. voiles, il ne sçait, sinon
qu'une grande hourque de 400. tonneaux estoit si
despourueüe, qu'elle fut iettée sur les bans, vingt
lieues loing de Dingle Culhe: ne sçait qui estoit
Capitaine de ceste hourque, mais dict qu'en l'Ad-
mirale il n'y reste à present de toutes sortes de per-
sonnes qu'enuiron 500. desquels il y a 25. Biscains
& 40. Portugais tous mariniers, & entre iceux,
le Maistre & l'un des Pilotes sont malades.

Il adiouste, qu'il y a 80. soldats & xx. marini-
ers en l'Admirale gisans fort malades & se mou-
rans de iour à aultre: le reste, à son dire, sont fort
foibles

foibles, & mesme le Capitaine fort triste & affoibly. Il dict, que ceste Admirale est fournie de cinquante quatre pieces de fonte, & d'environ quatre vingts quintaux de pouldre.

Dict, que pour la vehemence du vent d'Ouest, ils se trouuerent si prochains de la coste deuant que s'en apperceuoir, qu'il ne leur fut iamaia possible de doubler & se retirer de là.

Il n'y a plus en l'Admirale que 25 pippes de vin, fort peu de pain, & d'eau, rien du tout, sinon celle qu'ils ont apportée d'Espagne, qui est estrangement puante: & quant à leur chair & viande, leur soif est si grande, qu'il leur est impossible d'en manger.

Selon la cognoissance qu'il en peut auoir, il dict que nulle partie de l'armée n'a prins terre nulle part, iusqu'à lors qu'ils sont venus en ces costes de Dingle Cushe, & n'ont en eau, viures, n'y aucun rafraeschissement d'aucune coste ny place, depuis que l'armée d'Angleterre les laissa.

Dict, que lors qu'ils estoient deuant Calais, il vint vne Pinnaße en leur Flotte de la part du Duc de Parme, qui les aduertit que le Duc ne pouuoit estre prest iusques au vendredy. Ce pendant, par le combat de l'armée Angloise, il ne leur fut possible de tarder là si long temps.

Dict, que l'intétion de l'Admiral est, au premier vent comode, de se retirer en Espagne. Et que c'est un comun bruit entre les soldats, s'ils peuent vne fois gagner la maison, qu'ils n'entreprennent plus d'auoir rien à demesler avec l'Anglois.

Les principaux
de l'armée font
marquez de
Croix en leurs
habits.

Quant aux principaux homes qui sont en l'Admirale, il nomme Dom Iean de Lina Espagnol Capitaine en chef des soldats du nauire: Dom Gomes Espagnol, qui est un autre Capitaine: Dom Sebastien gentil homme Portugais qui estoit volontaire: un Marquis Italien aussi volontaire: & un autre gẽtil homme Portugais, lequel il ne cognoist point, mais dict que ceux là sont des principaux entre eux, qui portent des Croix sur leurs habillemens.

Il y a au mesme nauire d'autres moindres gentils-hommes, & tous les soldats qui estoient audict nauire, estoient tous Espagnols. Il y a aussi en la petite barque laquelle est avec eux, enuiron vingt & cinq personnes: mais combien il y en a en la hogue qui est là, il ne sçait.

Il estime que le Duc est passé vers l'Espagne, pource qu'il estoit quelque xij. lieues plus auancé vers l'Ouest, que n'estoit l'Admiral au temps de la premiere tempeste.

Dict, que le grand Gallion enuoyé du Duc de Florence, n'a oncques esté veu depuis le combat de Calais & que ceux qui estoient dedans les Galleses furent grandement endommagés par la Flotte Angloise.

Deposition d'Emanuel Francisco.

Le 12. de Septemb. 1588.

E Manuel Francisco Portugais dict en toutes choses comme le dernier deposant, iusques au combat

cōbat de Calais, auquel il dict sçauoir qu'une Ga-
leasse fut portée sur les sables à Calais : & que
deux Gallions du Roy l'un appellé S. Philippe, de
la charge de 800. tonneaux, & l'autre nommé S.
Matthieu aussi de 800. tonneaux, avec un naui-
re de Biscaie d'environ 500. & un naui-
re Castillan d'environ 400 tonneaux, coulerent tous à fonds:
pource que quelques hommes de ces nauires furent
diuisez & mis au naui-
re de l'Admiral auquel, luy
deposant, estoit.

Le cōbat fini, dict, que celui qui estoit aux hūnes,
fist rapport qu'il restoit de l'armée Espagnole, 120.
voiles lesquels estoient fort officez, & que l'Admi-
rale auoit esté percée plusieurs fois tout oultre, mes-
memēt d'un coup en leur mast : Et que tout l'equip-
page de la prouë estoit degasté, confessant qu'ils
estoyent en grande crainte de la Flotte Angloise
& redoutoient fort qu'ils ne les abordassent.

A cause du coup susdict, le mast de l'Admirale
est si foible qu'il ne peult soustenir aucune tempeste
ny porter les voiles tels qu'aultrement il pourroit
faire. Quant aux aultres articles, il s'accorde du
tout avec le precedēt deposant, excepté qu'il n'a ny
veu ny ouy parler d'aucune Pinnasse qui fust ve-
nuë de la part du Duc de Parme. Et ne se souui-
point d'auoir veu apres la premiere tempeste avec
l'Admirale vingt nauires : mais dict que ceux qui
estoyent au mesme naui-
re avec luy, disoient com-
munement qu'ilz aimeroient mieux, qu'on les por-
tast en terre que de iamaiz entreprendre voiage

en Angleterre : adionstant que les plus habiles qui
soiēt au nauire de l' Admiral, ne se peunēt pas sou-
stenir, & que s'ils font tāt soit peu de seiour au lieu
là ou ilz font, selon son iugement, il faudra qu'ils
perissent. Pour son regard, quant cela seroit en son
option, il ne voudroit poinct retourner en Portu-
gal, pource qu'il ne voudroit estre derechef con-
trainct à un semblable voiage.

Iean de Conido de Lekit en Biscaie Marinier.

Le 12. de Septemb. 1588.

Iean de Conido de Lekit en Biscaye Marinier,
dict, qu'il estoit au mesme nauire auquel est l'Ad-
miral: qu'il fist le cōpte de l'armée, apres le cōbat fi-
ni deuant Calais: que là il ne se trouua pas de reste
plus de 110. ou 112. nauires, de toute l'armée Espa-
nole. Dict en oultre qu'il estoit aduenü de toucher
& faire eau à l'une des Galeasses, il y a enuiron xv.
iours: ce qu'il pense estre aduenü vers la coste du
Nord de ceste Isle. Il ne se souuient qu'il y eust 20.
voiles de reste en la cōpagnie de l' Admiral apres
la premiere tempeste, laquelle aduint il y a enuiron
trente iours. Dict, que le Duc defendit expressement
que nul n'eust à prendre terre, quelque part que ce
fust, sinon par son commandement: Confesse, que
l'armée laquelle restoit apres le dernier combat e-
stoit merueilleusement interesee & plusieurs vais-
seaux perchez tout oultre, & leur cordages rompus
& gastez de coups de Canon. Quant aux autres
pauvres, ils s'accorde du tout avec le precedent de-
posant

L'armée d'Es-
paigne fort en-
dommagée du
Canon des Ar-
glois.

posant, quant à la substance. Dict en oultre, qu'il y auoit un Pilote Anglois avec le Duc. Et pour le regard de l'Escossois prisonnier, qu'il fut prins vers le Nord, apres que la Flotte Angloise les eut laissez en une nauire de cinquante tonneaux, auquel estoient enuiron sept hommes, ayans esté amenez tât les hommes que le vaisseau auoit la Flotte. Que six desdictz Escossois estoient en un mesme bord avec l'Admiral, desquels cestuy-cy qui est prins, est l'un. Il adionste qu'apres que la Flotte Angloise les eut laissez, les Espagnols ietterent en la mer tous leurs cheuaux & leurs mules, pour conseruer leur eau, laquelle estoit portée dans certaines hourques ordonnées pour cest effect.

Les Espagnols
iettent leurs
Cheuaux &
leurs Mules.

Le second examen de Iean Antoine de Mongna marinier, de Genes.

Le 15. de Septemb. 1588.

Dict, que son pere & luy avec autres vindrent à Lisbonne, en un nauire de Genes, il y a maintenant un an: là où ilz furent embarquez de par le Roy d'Espagne: ce nauire estoit d'environ 400. tonneaux.

Dict, qu'apres cela, son pere fut ordonné Pilote dans le nauire appelle nostre Dame de la Roze, de la charge de mille tonneaux, appartenant au Roy. Que le Prince d'Ascule bastard du Roy, vint en la compagnie, & au nauire du Duc, appelle Le Gallion de S. Martin, de mille tonneaux de port: mais qu'à Calais, lors que l'armée Angloise s'approcha

Filz Bastard du
Roy en mesme
Nauire avec le
Duc, & sa descente en terre.

d'eux, ce Prince sortit en terre: tellement que de-
uât son retour, le Duc auoit esté contrainct de coup-
per ses anchres & se departir: qui fut cause que ce
Prince ne peut-r'entrer en ce nauire, mais vint en
celuy qui est appellé nôstre Dame de la Roze, &
auec luy aussi y vindrent vn Dom Pedro, Dom
Diego, Dom Francisco, & sept aultres gentils-
hommes de marque lesquels faisoient compagnie
au Prince. Dict, que le Capitaine de ce nauire es-
toit Villa Franca de S. Sebastien, & Matura, es-
toit Capitaine de l'Infanterie de ce nauire: auquel
aussy estoit Capitaine Suuares Portugais, & vn
Garrionero, Capitaine Castillan, Lopecho de la
Vega, aussi Capitaine Castillan, le Capitaine Mon-
taneſe Castillan, vn Capitaine Frâncisco, Castillan,
& Michel Oquendo, lequel estoit general de ce
nauire. Il y auoit aussi en iceluy vn Capitaine Ir-
landois nommé Iean Ryſe aagé d'environ 30. ans,
& vn aultre Irlandois appellé François Roche.
Le Prince estoit de l'aage d'enuiro vingt & huit
ans. Dict aussi qu'il y auoit là d'aultres gentils-
hommes volontaires qu'ils appellent Aduenturiers,
mais non pas de tel rang que les aultres. Il y auoit,
ſelon qu'il dict, en ce nauire enuiro 700. hommes
en tout, lors que premierement ilz partirent, mais
quand il est coulé à fonds, qu'il n'y en auoit qu'en-
uiron 500. le reste estant mort ou par le combat, ou
par maladie.

Il dict, que ce nauire auoit esté percé quatre fois,
& que l'un des coups auoit percé entre le vent &
l'eau.

l'eau: ce qui leur donnoit crainte que le vaisseau ne vint à couler, la plus-part du cordage estant rompu de coups. Ce nauire vint toucher cōtre les Rochers au golphe de Bleskeys, Mardy dernier sus le midy, une lieuë & demie loing de terre, là ont tous ceux qui estoient au nauire, perirent, luy seul deposant excepté, lequel se sauua sur deux ou trois ais, lesquels s'estoient desioinctz. Les gentilz-hommes essaïans de se sauuer dans le bateau, ilz le trouverent si estroictement lié, qu'il ne leur fut possible de le deslier: qui fut cause qu'ils perirent tous. Et aussi tost que le nauire donna cōtre le rocher, l'un des Capitaines tua le pere de luy, deposant, disant qu'il l'auoit faict par trahison.

Perre du Nani-
re de la Roze,
& des Seig-
neurs, & com-
ment.

Pilote tué.

Diët que là, vint en leur compagnie un nauire Portugais d'environ 400. tonneaux, lequel entrât dans ce Golphe, y ietta l'ancre tout contre le lieu où aussi estoit à l'ancre l'Admiral, appelée S. Iean, auquel estoit Dom Martin de Ricalde.

Diët, qu'environ vingt & deux iours au parauant, le Duc s'estoit departi d'eux, aiant environ vingt & cinq nauires en sa cōpagnie, & en restoit environ quarante avec l'Admiral: mais ce nauire là n'auoit pas peu suiure l'Admiral, à cause que ses voiles estoient rompus. Et quant au reste de l'armée, tous estoient si escartez qu'il ne sçait qu'ils sont deuenus.

Diët, que le Duc estant mieux fourni d'eau que les aultres, s'auanca d'auantage en la mer vers l'Ouest, voulant que l'Admiral avec sa compagnie,

qui estoient plus mal accommodez d'eau, essaiaissent en quelque coste d'en recouurer de fresche. Depuis ce temps, ils ont tousiours esté separez par les nuictz & par la tempeste. Au reste, il afferme que ce naire ny aucun aultre de la Flotte, n'ont touché aucune terre & n'ont eu aucun rafreschissement d'eau ou de victuailles en quelque place que ce soit, depuis leur partement: excepté de deux Escossois, lesquels ils prindrent sur la coste d'Escoffe: desquels le Duc print le poisson & les victuailles, & les paia.

Il dict pareillement, que leurs nauires estoient si batues & le vent si contraire & les bans en la coste de Flādes si perilleux, que le Pilote qui estoit au naire du Duc, dressa leur route, pour la plus grande seureté, vers le Nord.

Dict, que l'un des iours du combat entre les deux armées, le Duc voiant que la Flotte Angloise les poursuinoit avec tant de hardiesse, requist sa Flotte, puis qu'il ny auoit point d'aultre remede, de se disposer au combat.

Dict aussi, que deuant Calais, il se perdit ce iour la quatre mille homes au combat, oultre mille qui furent noiez en deux nauires. Le Maistre de la Cavalerie des Tertij de Naples & de Sicile y fut tué par vne grosse piece qui luy rompit la cuisse: il ne se souuient point de son nom. Alors aussi le Maistre de Camp de la Cavalerie, & le Maistre de Camp de l'Infanterie furent tous deux tuez: de leurs noms il ne s'en souuient point.

Dict, que les quatre Galeasses estoient de Naples:

At combat à
Calais furent
tuez les Mai-
stres de Camp
de la Cavale-
rie & Infante-
rie, des Tertij
de Naples &
Sicile, & quatre
mille aultres,
oultre mille
qui furent noi-
ez.

ples: Que les quatre Galeres laisserent la Flotte quarante lieues deuant qu'ils approchassent pres de l'Angleterre.

Diët, que le nauire de Florence s'en est allé avec le Duc. Il adiouste aussi qu'il y auoit quatorze vaisseaux Veniciens en ceste Flotte: desquels les deux ont esté noyez. Qu'est deuenue le reste, il ne sçait. Ils ne seruoient le Roy que par arrest qui en auoit esté fait: Il y auoit trois Pilotes Anglois au nauire du Duc.

Finalemēt il diët, qu'en ce nauire coulé à fonds, il y auoit trois coffres pleins de monnoie: Et ne sçait pas ce qui mouuoit le Duc de commander que tout le reste de l'armée se retirast à la Crogne, & ne s'en departir point sans son commandement à peine de la vie.

L'examen de Iean Antonio de Moncke, à quinze lieues loing de Ganna.

Le 17. de Septemb. 1588.

IL diët que le Prince d'Ascule estoit homme gros-
le, & de stature passablement grande aagé de
vingt & huit ans, ayant les cheveux crepus, &
de couleur noirastre, le front esleué, peu de barbe à
la Marquesote, blanc de visage, mais avec quelque
rougeur sur les iouës. Lors qu'il fut noyé, il auoit
un habillement de satin blanc, le pourpoint & les
chausses decoupées à l'Espagnole, & un bas de soie
de couleur de feuille morte. Quand ce Prince vint
en leur nauire à Calais, il estoit habillé de velours

La forme &
 stature du Prin-
 ce d'Ascule.

Ses habillemēs

ras, couuert d'un passément d'or bien large. Dict, que les seruiteurs du Prince estoient pour la plupart au mesme vaisseau que luy deposant estoit, depuis leur partement d'Espagne. Et comme ilz estoient à Calais, que le Prince passa en un petit Esquif, de nauire en nauire, pour les disposer: Aucuns disent qu'alors il descendit en terre. Dict, qu'on estime que le Duc estoit eloigné du Nor-Ouest de l'Irlande, vers l'Ouest, quand il se partit du reste de sa compagnie. Dict, qu'il se separa par une tēpeste qui s'eslena la nuit, & qu'environ six iours apres, un Gallion Portugais recontra cestuy leur nauire, & passant outre dist à ceux qui estoient dedans, que vingt & cinq des nauires de toute l'armée s'en estoient allées avec le Duc: & que le reste de l'Armée estoit dispersé par la tempeste, huit en un endroit, & quatre en l'autre de compagnie, trauersans la mer ainsi escartez: Mais combiē de nauires il y auoit de reste lors qu'ils departirent des costes d'Escoffe, luy deposant, ne le peult dire. Biē, dict-il, qu'apres ceste premiere tempeste qui s'eslena il y a vingt & cinq iours passez, par un vent de Sur-Ouest, deuant que d'estre perdus, ils ont esté agitez par maintes tempestes, tantost d'un costé, tantost de l'autre, par une grande varieté de vens.

Second examen d'Emanuel Fremosa.

Lc17. de Septemb. 1588.

Reste de l'armée d'Espagne deuant la tempeste.

E Manuel Fremosa examiné le mesme iour dict, que le iour prochain deuant la grande tempeste, par

par laquelle le Duc fut separé d'avec eux (auquel iour il faisoit un grand calme) luy-mesme conta le reste de l'armée, & qu'elle estoit alors en tout de 78. voiles.

Dict, que lors qu'ils estoient les plus eslongnez, ils estoient par les 62. degrez du Nord, distans de toute terre de quatre vingts lieues & plus, vers le Nor-Ouest de l'Ecosse, & ains le Cap de Clere au Su & tenant de l'Ouest, & cela fut par l'espace de quatre ou cinq iours. Depuis alors iusques à la tempeste, ils eurent le vent pour la pluspart Ouest & Ouest sur-Ouest, & quelques fois Ouest nor-Ouest: mais cestui-cy de fort peu de durée.

Il dict, qu'il estoit sceu de fort peu de personnes, que le Prince filz bastard du Roy fust en l'armée, iusques à ce qu'on fust arriué à Calais: là où ce Prince environ le temps du combat, à ce qu'on dict, se fist passer en la coste de Calais en un petit Esquif: mais au parauant, il se comportoit comme particulier dans le nauire du Duc, sans que iusques alors il fust remarqué, ou qu'on parlait de luy en sorte quelconque. Mais en oultre il dict, que là il y auoit un grand Prince Italien homme de commandement, en une grande Argouloise & bien fournie de toutes choses, lequel deuant qu'ils approchassent les costes d'Angleterre, festoioit bien souuent le Duc & les plus grans de l'Armée. Ceste Argouloise estoit appelée le Rat.

Prince d'Ascu-
le incogneu.

Prince Italien
incogneu en
vne Argouloise
appelée le
Rat.

Dict, qu'il ne s'apperceut point si ce nauire estoit en la Flotte le iour de deuant la tempeste: mais

Distribution du
thresor pour
l'armée.

bien que ce nauire estant renommé, on s'enqueroit
souuent s'il estoit en la compagnie : & qu'on re-
spondoit, qu'il y estoit. Dict aussi, que le principal
thresor ordonné pour la paie, estoit (selon qu'il a en-
tendu) en la Galeasse qui fut iettée sur les bans à
Calais : & en vn nauire de Siuile fait en Galice,
appellé le Galega, d'environ 700. tonneaux de
port, auquel estoit Dom Pedro de Valdez, & le-
quel fut prins en la coste du Su.

L'examen de Pierre Carre Flamand.

Dict, qu'au nauire auquel il vint, appellé S.
Iean, qui estoit vn Gallion du port de 900.
tōneaux, oultre Martin de Ricalde, il y auoit cinq
Capitaines, Dom Iean de Lune, Dom Gomes
de Galanezar : Dom Pedro de Madri, le Comte
de Paredes, Dom Felice, & y auoit aussi vn Ita-
lien Marquis de Piedmont, appellé le Marquis de
Faruare.

Admiral tous-
iours au liēt de-
puis le combat
de Calais par
6. semaines &
plus.

Vieux soldats
de Naples &
de Sicile.

Il adiousté aussi, que l'Admiral, depuis le com-
bat de Calais, n'est point sorti de son liēt, sinō de-
puis il y a au iour d'huy huit iours qu'ils furent ie-
tez sur les bans. Dict aussi, que cest Admiral est de
Biscaye, ou de Bilbo, ou de Alerede, aagé de soix-
ante & deux ans, & hōme de seruice. En oultre il
dict, qu'il y a en ceste armée des vieux soldats
de Naples, soubz la cōduicte de Dom Alonso de
Sono, & des vieux soldats de Sicile, soubz la cō-
duicte de Dom Diego Pimenteli, duquel le na-
uire fut perdu pres Calais. Là aussi estoit Dom

Alonso

Alonso de Leua, Maistre de Camp de la Cavalerie de Milan. Dict aussi, qu'il y avoit en la Flotte, & au navire du Duc, un filz bastard du Roy Philippe aagé de vingt & huit ans & appelle le Prince d'Ascule en Italie, lequel se fist transporter d'avec eux en une Pinasse, comme il estime, estant pres de Calais.

Par aultre Aduertissement du quatorziesme de Septembre, il a esté certifié au my Lord Lieutenant pour sa Maiesté en Irlande, de la part du Comte de Tiron, estant en son Chasteau de Dongannon, qu'ayant eu aduis de la descente de certains Espagnols vers le Nord d'Irlande, il avoit enuoie deux Capitaines Anglois vers eux avec leurs compagnies, au nombre de cent cinquante, qui les trouuerent au Village de Sire Iean Odoghertie, appelle Illagh : & là aians descouvert qu'ils estoient en nombre d'environ six cens, il se camperent pour ceste nuit pres d'eux à la portée du mousquet : & environ la minuit leur attaquèrent l'escarmouche par l'espace de deux heures, en laquelle escarmouche le Lieutenant de Camp Espagnol avec vingt aultres Espagnols fut tué, outre beaucoup d'aultres qui furent blessez.

Six cens Espagnols assaillits & veincus & prins par 150. Anglois.

Le iour suivant, ils attaquèrent de rechef l'escarmouche à l'encontre des Espagnols, lesquels sur cela se rendirent. Et furent amenez, estans prisonniers, au Comte de Dongannon, lequel pretend les enuoier au my Lord Lieutenant. Ils sont estimez gens de valeur, & l'un d'entr'eux avoir

*en quelque grande charge & commandement par
beaucoup d'années . Dequoy ledict my Lord Lieu-
tenant donnera aduertissement si tost qu'on les
aura amenez à Dublin.*

Il peut estre suruienu quelques fautes en l'e-
criture des noms Espagnols en François, pour-
ce qu'ils ont esté escrits par forme d'interpretati-
on, premierement de la bouche des Espagnols
& puis d'Anglois en François: Mais au nombre
& qualités des personnes, ou des morts ou des
viuans, il n'y peult auoir faute, selon les infor-
mations faictes iuridiquement.

Le 27. de Septembre. 1588.

26 in the Engl. copy.



This is not in the Engl. copy


**LE NOMBRE DES NAVIRES ET DES
hommes, coulez à fonds, noyez, tuez, ou prins, es costes d'Ir-
lande au mois de Septembre. 1588.**

A Tireconnel En Loughfoile.		1.nauire	1100.hômes.
			de ce nauire & autres lesquels eschapperent
A Connaught	Au hault de Sligo.	3.grans nauires	1500
	En Tirecauley	1.nauire	400
	En l'Isle Clere	1.nauire	300
	En Finglasse	1.nauire	400
	En Oflartie	1.nauire	200
A Mounster	En Irriſe	2.nauires	Les hommes s'enſuiuent es autres vaiſſeaux
	A la rade de Gallouay	1.nauire	70
	Au Shenan	2.nauires	600
	En Traylic	1.nauire	24
	En Dingle	1.nauire	500
	En Deſmond	1.nauire	300
	Au Shenan	1.nauire brulle	Les hommes s'en barquerent en va autre nauire.
Total		17.nauires, &	hômes. 5394

Deuant la perte des ſuſdicts dix & ſept nauires
en Irlande, quinze autres grans nauires eſtoient
deſia perdus es mois de Iuillet & d'Aouſt, es com-
bats qui ſe firent entre les Anglois & Eſpagnols
dans le deſtroict de la mer d'Angleterre, là où il
ny a eu un ſeul vaiſſeau, ny perſonne de qualité
qui ait eſté prins ou perdu, ſelon qu'il eſt deſcrit en
la page ſuiuante.

**LE NOMBRE DES NAVIRES ET
des hommes, coulez a fonds, noyez, tuez, prins, ou
perdus, es mois de Iuillet & d'Aoust, es combats qui
se firent entre les Anglois & Espagnols, dans le de-
stroict de la mer d'Angleterre.**

	Nauires	Hommes.
Premierement Galeres	4	1622.
Pres Edifton vers Plemouth au premier combat	1	Le nombre est incogneu.
* Dom Pedro de Valdez prins.	1	422.
* Alors aussi le nauire de Dom Pedro de Valdes fut pourfuiuy & prins	1	ces 2. sont demeurez en Angleterre.
Vn grand nauire Biscain au mesme temps par feu	1	289.
* La principale Galeasse de Naples en bris deuant Calais	1	686.
Vn grand nauire Biscain coula en ce mesme combat	1	Le nombre ne se scait pas.
Le Gallion de S. Philippe	1	532.
* Dom Hugo de Moncada fut tue en ce vaisseau	1	Ces 2. forcez a Flesingue estans grãdement officez par les Canonnades d'Angleterre; On ne scait pas combien.
* Le Gallion de S. Matthieu	1	357.
Vn Biscain perdu deuant Ostende	1	On ne scait pas combien.
Deux Venetiens coulerẽt le iour d'apres le combat	2	843.
Vn grand Biscain pressẽ par les nauires de la Roine peri deuant le haure de Grace	1	On ignore le nombre.
Total des Nauires	15	Hommes 4791.
Nombre total des deux pertes	32	10185. Desquels il y en a de prisonniers en Angleterre & Zelãde pour le moins 1000. outre vne grand multitude d'hommes non compins en ce nombre tuez au combat, ou morts de famine, comme il appert par les depositions precedentes.
Oltre plusieurs nauires qu'on estime perdues, encores qu'on n'en ait rien ouy de certain.		



1870

1871

1872

1873

1874

1875

1876

1877

1878

1879

1880

